



ル 5
3282
2



門 凡 5
3282
2



續纂山陽縣志卷六

民賦

里圖 蠲振

戶口 屯衛人丁

田賦 附

雜辦雜稅

附 解撥

前志於民賦類中共分八目卽里圖戶口條鞭田賦雜稅
雜辦附解撥蠲振屯衛人丁田賦附是也今按條鞭之法
在纂修舊志時代已經廢止不過追述立法之始用誌緣
起耳實則條鞭一目已無可續應予刪去其餘各目依次
續纂於後

里圖

本邑里圖向分時清和樂世美泰安人慶壽甯年登豐裕
八十七鄉張孚吉湖淤一百四十三坊今世美人慶鄉數

昭和十八年
八月十八日
購求

增減相抵坊數增至二百零二爰照見冊敘列於左

時清一鄉上京田五十三頃四十七畝五分二釐四毫

一鄉下二十五頃二十一畝五分二釐四毫 二鄉七十

四頃二十二畝七釐四毫 三鄉六十頃十三畝五分六

釐 四鄉上三十二頃五十九畝一分四釐 四鄉中三

十一頃八十七畝九釐八毫 四鄉下四十二頃十畝九

分七釐八毫 五鄉五十七頃四十四畝三分五釐三毫

六鄉上四十七頃九十四畝八分八釐一毫 六鄉下

四十三頃七十六畝七分五釐五毫 七鄉八十七頃三

十三畝九釐三毫 八鄉三十八頃九十畝二分三釐七

毫 九鄉上三十一頃十畝七分三毫 九鄉下二十一

頃二十八畝五分五釐六毫 十鄉上二十三頃七十六

畝四分八釐五毫 十鄉下二十八頃六十二畝一分四

釐八毫 十一鄉上二十六頃四十九畝七分一釐四毫

十一鄉中十八頃四畝五分二釐二毫 十一鄉下七

頃十畝五毫 十一鄉下本七頃十畝四毫 以上時清

十一鄉二十坊原十坊共京田七百五十八頃五十三畝三

分五釐五毫

和樂一鄉京田三十頃八十七畝四分三釐五毫 二鄉

上六十三頃二十七畝九分六釐五毫 二鄉下四十頃

四十畝九分三釐五毫 三鄉上四十頃十六畝一分

三鄉下四十頃十六畝一分五釐八毫 四鄉上四十頃

四十七畝二分一釐七毫 四鄉下四十一頃三十三畝

五分八釐七毫 五鄉上七十七頃五畝六分四釐九毫

五鄉中二十四頃三十八畝五分九釐 五鄉下十四

頃八十八畝八分一釐二毫 六鄉上四十頃一分一釐

一毫 六鄉下三十九頃十三畝一分三毫以上和樂六

鄉十二坊原作九坊共京田四百九十二頃二十五畝六分六

釐二毫

世美一鄉上京田十六頃九十四畝七分九毫 一鄉下

三十一頃三畝六分三釐五毫 二鄉上十四頃七畝四

分三釐五毫 二鄉下十四頃十畝一分七釐七毫 三

鄉上十一頃五十七畝五分三釐七毫 三鄉下十一頃

五十七畝五分三釐七毫 四鄉上三十四頃三十九畝

七分一釐七毫 四鄉中十七頃十九畝八分七釐四毫

四鄉下十七頃十九畝八分七釐三毫 五鄉六十六

頃六十一畝二分八釐四毫 六鄉上四十五頃十五畝

三分七釐八毫 六鄉下三十八頃九十四畝四分八釐

八毫 七鄉上九頃九十八畝三分一釐 七鄉上本九

頃九十八畝三分 七鄉中十九頃九十六畝六分一釐

七鄉下五十八頃九畝三分三釐三毫 八鄉上五十九頃七十三畝五釐 八鄉中十八頃四十一畝五分一釐 八鄉下三十四頃三十四畝七釐二毫 九鄉上四十七頃三十四畝三分八釐四毫 九鄉下四十九頃三十七畝九分六釐六毫 十鄉上三十五頃七十五畝六分三釐一毫 十鄉中二十一頃三畝六分五釐五毫 十鄉下二十一頃三畝六分五釐四毫 十一鄉上三十九頃七十四畝八分五釐七毫 十一鄉中二十八頃二十九畝七分六釐三毫 十二鄉上二十八頃五十三畝七分八釐二毫 十二鄉中三十二頃三畝七分八釐 十二鄉下二十一頃七十六畝三分八釐二毫 十三鄉上三十一頃五十六畝五分三釐三毫 十三鄉下三十頃四十三畝三分七釐二毫 十四鄉七十七頃七十八畝一釐五毫 張孚吉十八頃三畝五分五釐四毫 以上世美十五鄉三十四坊 原作十四鄉 二十四坊 共京田一千零四十頃三十七畝九分二釐 此連張孚吉在內故 與原志總數不符

泰安一鄉上京田四十四頃五十八畝七分三釐三毫 一鄉下四十頃七十七畝四分七釐二毫 二鄉上三十五頃九十一畝九分五釐七毫 二鄉中十九頃九十一

畝二分二釐七毫 二鄉下三十五頃九十四畝八分四釐五毫 三鄉上四十一頃七十二畝三分八釐七毫

三鄉下四十七頃三分三釐二毫 四鄉上二十七頃二十九畝三分八釐三毫 四鄉下二十六頃七十五畝六

分九釐八毫 五鄉上十八頃六十九畝四分二釐七毫 五鄉中十六頃一分八釐八毫 五鄉下十七頃十八

畝九分七釐八毫 五鄉下本十七頃二十一畝八分六釐七毫 六鄉上二十頃十四畝七分七釐二毫 六鄉

下四十二頃七十六畝四分八釐六毫 七鄉上十頃三畝四分七釐三毫 七鄉下五十頃十七畝四分一釐五

毫 八鄉上二十頃六十九畝四分六釐七毫 八鄉中

二十頃六十九畝四分六釐七毫 八鄉中本二十頃六

十九畝四分六釐六毫 八鄉下六十頃十畝三釐九

鄉上二十二頃十四畝三分六釐三毫 九鄉中二十二

頃十四畝三分六釐三毫 九鄉下四十八頃三十七畝

一分四釐六毫 十鄉上十六頃二十畝二釐一毫 十

鄉中十六頃二十畝二釐一毫 十鄉中下十六頃二十

畝二釐 十鄉下四十八頃九十二畝一分一釐七毫

二十七畝三分一釐一毫 十二鄉上六十二頃九十九

畝八分八毫 十二鄉中十五頃七十四畝三分四釐五

毫 十二鄉中本十五頃七十四畝三分四釐四毫 十

二鄉下十五頃七十四畝三分四釐四毫 十二鄉下本

十五頃七十四畝三分四釐四毫 十三鄉上四十一頃

四十六畝八分三釐四毫 十三鄉中十五頃七十一畝

七分三釐一毫 十三鄉中本十五頃七十一畝六分六

釐五毫 十三鄉下二十二頃八十一畝七分六釐一毫

十三鄉下坊二十二頃七十五畝九分七毫 十三鄉

下坊二十二頃七十五畝九分七毫 十三鄉下坊二十

二頃八十一畝七分六釐 十四鄉上四十四頃四畝三

分三釐 十四鄉中二十一頃九十四畝三分三釐九毫

十四鄉下二十一頃九十三畝九分五釐二毫 十五

鄉上三十四頃七十八畝二分九釐二毫 十五鄉中十

八頃四十七畝九分八釐六毫 十五鄉下十八頃四十

七畝九分八釐六毫 十六鄉上四十頃五畝三分四釐

十六鄉上本四十頃五畝三分四釐 十六鄉中二十

一頃三十畝三分二毫 十六鄉下二十一頃三十畝三

分一毫 副十六鄉十八頃三十四畝三分六釐七毫

以上泰安十六鄉五十四坊原三十坊共京田一千四百九十

六頃十畝五分八釐七毫

人慶一鄉上京田十四頃三十畝八分四釐五毫 一鄉

中二十一頃四十一畝八釐五毫 一鄉下二十一頃四

十一畝八釐五毫 三鄉上二十三頃十六畝四分一釐

一毫 三鄉中八頃八十五畝九分一釐四毫 三鄉下

八頃八十四畝三分五釐六毫 五鄉上三十三頃二分

二釐九毫 五鄉下二十九頃五十畝 六鄉上三十八

頃四十五畝六釐八毫 六鄉下二十四頃二十二畝五

分六釐 七鄉上三十頃四十七畝三分七釐五毫 七

鄉下三十頃四十七畝三分七釐五毫 湖淤鄉二十五

頃二十四畝九分五釐六毫 以上人慶六鄉十三坊

七鄉十一坊 共京田三百零九頃三十七畝二分五釐八毫

此作原張孚吉在外故與原志總數不符

壽甯一鄉上京田十五頃八十九畝一分一釐一毫 一

鄉中三十三頃七十九畝一分四釐四毫 一鄉下十五

頃二十五畝七分二釐 二鄉上二十四頃八十七畝六

分六釐七毫 二鄉下三十七頃二十畝二分八釐七毫

三鄉上五十九頃十七畝三釐三毫 三鄉中十七頃

三十畝 三鄉下三十六頃九十六畝五分三毫 四鄉

上四十二頃六十六畝二分八釐 四鄉中二十四頃二

十九畝五分一釐五毫 四鄉下三十頃五十三畝六分
 一釐五毫 五鄉上十七頃十七畝六分三釐七毫 五
 鄉下十六頃四十七畝八分四釐八毫 六鄉上四十五
 頃五十一畝二分九釐九毫 六鄉下三十一頃七十八
 畝四分八釐七毫 七鄉上三十一頃七十八畝六分八
 釐九毫 七鄉下四十八頃二十九畝四分四釐八毫
 八鄉上四十頃三十八畝四分一釐四毫 八鄉下三十
 頃三十五畝一分六毫 九鄉四十六頃十五畝六釐六
 毫 十二鄉上五十一頃六十六畝八分三釐三毫 十
 二鄉下三十二頃三十五畝五分七釐三毫 以上壽甯

十鄉二十二坊 原十坊 共京田七百二十九頃八十九畝二
 分七釐五毫

年登一鄉上京田三十九頃六十四畝七分二釐四毫
 一鄉下三十六頃九十一畝一分一釐 二鄉上十六頃
 八十四畝七分四釐一毫 二鄉中十六頃八十三畝四
 分九釐六毫 二鄉下五十九頃三十二畝六分五釐四
 毫 三鄉上四十八頃 三鄉下四十三頃三十九畝一
 分三釐八毫 四鄉上二十二頃五十畝九分六釐二毫
 四鄉中二十二頃五十畝九分六釐二毫 四鄉下三
 十頃二十一畝七分一釐六毫 五鄉上二十七頃五十

九畝五分一釐五毫 五鄉下五十九頃十八畝四釐八毫 六鄉六十五頃十六畝八分七釐五毫 七鄉上二十八頃六畝五分八釐 七鄉下三十頃四十六畝七分六釐二毫 八鄉上二十五頃三畝五分三釐六毫 八鄉中十二頃六十七畝五分四釐六毫 八鄉下十二頃六十七畝五分四釐六毫 九鄉三十五頃八十六畝八分六釐二毫 十鄉七十七頃七十四畝八分一釐 十一鄉上三十七頃二十九畝三分四毫 十一鄉下三十七頃二十九畝三分四毫 十二鄉上四十三頃八十二畝九分一毫 十二鄉下四十三頃八十二畝九分一毫

十三鄉上四十頃七十二畝二分三釐六毫 十三鄉

下四十八頃七十四畝九分七釐 以上年登十三鄉二

十六坊原十坊共京田九百六十二頃三十九畝一分九釐

九毫

豐裕一鄉京田三十一頃二畝四分三毫 二鄉上二十

九頃七十七畝四分四釐八毫 二鄉下七十八頃五十

七畝九分三釐二毫 三鄉上四十一頃七分九釐一毫

三鄉下三十九頃四十畝四分七釐六毫 四鄉上二

十七頃八分六釐七毫 四鄉下二十七頃八分六釐六

毫 五鄉上三十九頃七十畝二分五釐四毫 五鄉下

三十九頃五十八畝三分六釐一毫 六鄉上二十五頃
 九十九畝一分五毫 六鄉下二十五頃九十九畝一分
 五毫 七鄉上三十八頃七畝六分八釐九毫 七鄉下
 三十八頃五畝四分一釐 八鄉上二十五頃七十九畝
 五分九釐三毫 八鄉中十八頃二畝七分五釐二毫
 八鄉下三十六頃八十四畝一分五釐九毫 九鄉上十
 五頃二畝三分五釐四毫 九鄉中十五頃二畝三分五
 釐四毫 九鄉下三十頃十四畝三分二釐四毫 十鄉
 上三十八頃八十五畝九分四釐七毫 十鄉下三十八
 頃八十五畝九分三釐四毫 以上豐裕十鄉二十一坊

原十共京田六百九十九頃七十八畝一分二釐四毫

六坊 以上共京田六千四百八十八頃七十一畝三分八釐又

減則田一百十七頃三十七畝七分四釐二共京田六千

六百六頃九畝一分二釐 與後分存實
在數目相符

戶口

前志詳戶口數目以攤征丁銀為重自康熙五十二年詔
 嗣後征收錢糧據康熙五十年丁冊為常額續生人丁永
 不加賦本邑應編正銀人丁遂永以十萬四千八百二十
 一丁計算雍正二年令各省丁銀攤入地糧征收於是地
 糧丁銀合而為一乾隆三十七年永停編審政出寬仁法

歸簡易莫是過也然州縣於戶口之息耗亦遂不加過問有賦無役年終查造丁冊詳報臬司具文已耳竊查定案各屬應造戶口冊籍均以十年爲一屆自嘉慶二十五年舉辦後同治十年及光緒年間均經續辦然縣卷散佚實數難稽近年奉諭豫備立憲辦理地方自治選舉諸政而調查戶口尤爲憲政初基爰將宣統三年所得戶口數目列左至黃快五丁已於雍正六年歸入民田攤銀不複述

宣統三年

六十九萬三百七十七丁口

田賦

本邑田畝數目自同治十年迄今並無變更今按宣統元年印冊載分存原額田地並新墾除荒廢外實征地六千六百六頃九畝一分二釐內有勘報低窪減則田地一百十七頃三十七畝七分四釐應征本色米一萬三千八百七十石四斗七升五合應征麥二千一百五十石八斗二升一合三勺內除常盈倉麥一千一百八十五石九斗一升四合二勺每石以五錢折銀改歸折色征收外實征本色麥九百六十四石九斗七合一勺應征折色地漕並麥折等銀一萬一千三百五十四兩三錢八分六釐又丁隨田辦實在當差充餉人丁十萬四千八百二十一丁應征銀二萬五千一百四兩四錢六分一釐又雜辦銀六十二

兩一錢四分三釐共征銀三萬六千五百二十兩九錢九

分前志誤為九分遇閏加銀九十八兩五錢六分八釐應

共征正閏銀三萬六千六百十九兩五錢五分八釐耗銀

三千六百六十一兩九錢五分五釐除去無主水荒有主

荒淤低窪減則實存額田六千四百八十七頃四十五畝

一分三釐每畝所征米麥銀原文出無主水荒田地九十

四畝二分五釐每畝所征米銀屯墾涸出有主荒淤沙地

三十二畝每畝征銀數勘報低窪減則原額田地照牧馬

草場租則征輸田地一百一十七頃三十七畝七分四釐

每畝征銀數目與前志同按上列米銀等款係指有閏

之年額征而言若實征之數必俟秋勘後方能規定惟本

邑每屆秋勘縣令足蹟不履田畝所有各坊災數均由漕

書冊書自行支配預向業戶收取災費買災者田雖豐收

可作全荒不買災者田雖全荒仍須納賦又完糧時由糧

書發給糧條糧戶持有此條多不隨時換串糧雖完過串

仍在庫任意侵吞開一糧兩串之弊如能分別災熟按坊

普減又完糧時隨給版串取銷糧條則多年積弊庶幾一

掃而空又忙銀每兩向收制錢二千五百二十文光緒

二十四年因給事中龐鴻書奏請酌減案內奉文減收一

百文二十八文因抵支賠款照舊加收一百文仍為二千

五百二十文其帶收各費光緒六年每兩積穀一百文二

十四年每兩歸補積穀一百文二十六年至宣統三年恆

帶捐積穀一百文二十九年串每張帶收中學堂經費十

文三十四年因抵補練兵賠款提款每錢帶收串捐十文

不及一錢者遞減在一錢以外者遞增宣統二年每兩帶

收自治經費六十文漕米照章每石收制錢四千八百文

並無增減其帶征經費每石積穀一百文年限與忙銀同

二十九年串每張帶收中學堂經費十文三十四年因抵

補練兵賠款提款每斗帶收串捐十文不及一斗者遞減

在一斗外者遞

增附記於此

雜辦附 牧馬草場地出租銀四十八兩六錢一分三釐

參觀前志 水面漁課銀一十三兩五錢三分

雜稅附 悉以宣統元年見征為斷 大灘租正銀五十二兩一錢八分四

釐一毫三絲三忽耗銀五兩二錢一分八釐小灘租正銀

四十二兩四錢二釐耗銀四兩二錢四分吉希文地租正

銀三兩七錢七分九釐耗銀三錢七分八釐未經詳咨入

額王士雄地租一兩九分三釐耗銀一錢九釐已經入額

河漕隄租正銀二十六兩三錢五分五釐 前志誤為四一釐今更正

毫九絲耗銀二兩六錢三分六釐未經入額河漕租正銀

五十三兩二錢五分三釐耗銀五兩三錢二分五釐續報

租正銀五錢五分八釐耗銀五分六釐共徵一百九十七

兩五錢八分六釐三毫二絲三忽又田房稅契向章每正

價一兩完稅銀三分隨收加一耗銀光緒二十年後逐次

增稅又帶捐育嬰堂經費十文學堂經費十文近則賠款

案內每兩加收錢六十文又抵補州縣練餉提款案內每

兩續加收四十文各州縣辦公費暨學堂善舉等項即於

上項一百文內酌提二十文以十文為辦公等經費以十

文為學堂善舉等項 此項稅款儘征儘解歲無定額今查光緒元年征銀五百四十四兩六錢六

釐六毫宣統元年征銀六千二百四十五兩五錢六分五釐四毫八絲附此備攷 又典鋪稅向章

每戶每年完正稅銀五兩水腳銀一錢五分又典稅損腳

正銀一錢五分耗銀一分五釐光緒十七年新開典商凌
 義生二十一年新開劉和泰二十二年新開鄒公興均遵
 章納稅二十三年奉文每典年納稅銀五十兩耗銀五兩
 內除濟錦源一典於十七年閉歇趙全興一典於三十四
 年閉歇及宣統元年凌劉鄒與王肇慶四典共納正腳正
 銀二百兩六錢耗銀二十兩六分三年各典均陸續閉歇
 又牙行稅額征正銀一百七十四兩七錢耗銀十七兩四
 錢七分至宣統元年額外捐請共二百三十八戶年共征
 正銀一百四十二兩六錢耗銀十四兩二錢六分又牛驢
 猪稅宣統元年額征正銀三十五兩八錢八分九釐耗銀
 三兩五錢八分九釐水腳正銀七錢耗銀七分盈餘正銀
 四十兩三錢六分四釐耗銀四兩三分六釐按上列大灘
 租等地及河漕隄租僅載征銀數目其座落地址與頃畝
 細數參觀前志

解撥欸目 悉以宣統元年為斷 額征本改兌正耗贈五兵糧米一萬

三千八百七十石四斗七升五合麥九百六十四石九斗
 七合一勺 內漕糧正兌正米加三耗米加二五耗米改兌
 正米加二五耗米加二二耗米共八千二百三
 石八升三合五勺漕贈五米四百一十石一斗五升四合二
 勺兵糧米四千七百八十九石九斗七升三合三勺月糧
 米四百六十七石二斗六升四合月
 糧麥九百六十四石九斗七合一勺起運項下應征銀二
 萬一千六十七兩一錢八分三釐又從裁汰俸工撥入地

丁銀四百五十三兩四錢四釐共銀二萬一千五百二十

兩五錢八分七釐內於光緒十四年奉文撥歸縣學廩膳

銀十六兩二錢三分閏月銀一兩一錢二分五釐實共銀

二萬一千五百三兩二錢三分二釐內起運司庫協濟河

夫折征銀三千二百五十五兩五錢八分二釐椿草柴夫銀

一千五百八兩九錢一分徑撥各廟祭品銀一百六十一

兩九錢內文昌春秋祭聖誕六十兩武帝春秋祭聖誕六

十兩仲子祠春秋祭三兩五錢八分東嶽廟春秋祭二十

六兩二錢三分六釐王祖師春秋祭四兩八分四釐昭忠

祠春秋祭八兩撥剩地丁解司銀九千八十一兩八錢四

分

江安糧道項下漕倉項應征銀四千三百三十二兩二

錢五分內隨漕蘆席船料銀九十二兩二錢五釐漕贈五

銀六百七十一兩一錢三釐鳳陽倉米折銀四百

六兩九錢八分二釐月糧米麥折銀九百八十六兩七錢

三分三釐即前志所謂淮大泗各衛運軍減存本折及漕

儲道座船水手等月糧丁船米麥折銀是也常盈倉一

麥折銀四百六十四兩七錢九分五釐鳳陽倉麥折銀八

百七十五兩二分五釐揚州倉麥折銀十九兩八錢二分

常盈淮安倉麥一千一百八十五石九斗一升四合二勺

每石五錢折銀五百九十二兩九錢五分七釐額撥漕項

銀一百七十九兩七錢五分四釐民七料銀四十三兩六

錢二分六釐黃快丁驛站項下走遞夫馬等銀額征七千

銀即屯折二錢五分

三百五十三兩二錢八分二釐閏月銀二十四兩五錢二

釐應領司庫荒站正閏銀一千二百八十四兩四錢六分

六釐以上與前志同又應領司庫閏月夫馬工料銀四百六十五

兩六錢共征領銀九千一百二十七兩八錢五分內淮陰驛館支

正閏銀五百四十六兩奉節省館支銀二百九十六兩水

夫工食銀二千二百五十四兩八錢內扣裁撥夫銀八十

六兩四錢小建銀三十三兩三錢六分旱夫工食銀七百

二十六兩內扣裁撥夫銀八十六兩四錢小建銀九兩八

錢四分旱夫僱價銀四百八十九兩六錢馬夫工食銀九百九十二兩四錢內扣協甘省工食銀七十二兩建利銀十四兩一錢六分公文馬夫工食銀三百七兩二錢四分八釐報事馬夫工食銀九十二兩一分六釐遞馬價銀計四百八十六兩一錢五分六釐內扣減協甘省馬價銀五十五兩八錢八分節省六分馬價銀七百九十六兩二錢九分內扣減協甘省馬價銀八十三兩八錢二分遞馬草料銀二千十七兩八錢內扣減協甘省馬匹草料二百三十六兩小建銀二十七兩七錢二分燈油藥餌銀一百廿三兩五錢四分內扣減協甘省銀十四兩二錢又解藩庫倒馬皮張銀十七兩 各衙門官役俸工並祭祀雜支項下額征正閏銀三千七百二十八兩五分四釐內除裁汰俸工撥入地丁銀四百五十三兩四錢四釐又撥歸漕項銀四十三兩六錢二分六釐仍該銀三千二百三十一兩二分四釐又奉撥增復縣學廩膳銀十六兩二錢三分閏月銀一兩一

錢二分五釐應征正閏銀三千二百四十八兩三錢七分九釐應領司庫撥補佐雜荒俸銀七十一兩九錢九分五釐內除不領通判俸銀及扣餉平銀外實領五十二兩四錢六分二釐荒俸役食連閏銀五百十六兩九錢二分內除不領府學齋夫等銀及扣餉平銀外實領四百四十九兩七錢四分七釐共征領銀三千七百五十五兩五錢八分八釐解撥細目自總漕部院時已改提督元年 奏銷冊仍舊稱以下凡已載前志中者概不複述其荒俸役食解撥各目為前志所無者詳列於下

總漕部院項下 荒缺役食門子三兩一錢三分四釐皂隸七錢八分三釐驍夫三兩一錢三分四釐

鋪兵一兩五錢六分七釐增編 淮揚道項下 役食門子三

皂隸十一兩七錢七分二釐 本府項下 役食門子一兩五

四釐皂隸九兩四錢一釐增 錢六分七釐步快

編步快二十兩四分一釐 五兩四錢八分四釐皂隸二兩三錢五分

八分四釐鋪兵五十三兩五錢八分七釐增編快手二十

八兩二錢三分皂隸三十八兩三錢一釐禁兵十八兩三

錢七分一釐庫子六兩六錢八分又清江浦鋪兵三十二

兩五錢八分 增編役食皂隸二十兩四 經歷員下

分九釐 通判員下 增編步快九兩五釐 荒俸五

荒俸十四兩八分四釐增編 本府儒學教授員下 兩八錢

役食馬夫一兩六錢七分 荒俸五兩二錢三分一釐又扣解九 本縣

七分 訓導員下 荒俸五兩二錢三分一釐又扣解九 本縣

七釐 訓導員下 荒俸五兩二錢三分一釐又扣解九 本縣

員下 荒俸五兩二錢三分一釐又扣解九 本縣

員下 荒俸五兩二錢三分一釐又扣解九 本縣

史員下 荒俸四兩一錢一分五釐役食門子七錢八分三

儒學教諭員下 荒俸四兩四錢四分一釐增編

訓導員下 荒俸自正月初一日起至閏二月十四日裁缺

錢五分二釐 版開巡檢員下 荒俸五兩八錢四分一釐增編

錢五分二釐 版開巡檢員下 荒俸五兩八錢四分一釐增編

項下 與前志同 雜支項下 孤貧口糧七十三兩九錢一分五釐

養廉各款項下在於錢糧耗羨撥解府經歷等五員養廉

銀共三百兩與前志同

蠲振

續纂山陰縣志 卷六
前志於蠲振僅載至乾隆十一年今依光緒府志及縣卷
可考者續之

乾隆三十九年水災振災民 五十九年免積欠 嘉慶
三年振饑民 六年免乾隆中民欠 十一年振饑民
十四年振饑民豁除前借籽種 十六年振饑民 二十
二年免民欠 二十四年免民欠振濟 二十五年振饑
民 道光元年振饑民貸籽種 四年免嘉慶中民欠
六年大水振饑民 八年振饑民 十一年水災蠲緩征
銀米振饑民 十三年大荒振饑民 十五年免十年前
積欠貸籽種 二十年免民欠 二十二年河決振災民

二十三年振災民 二十五年免民欠 三十年免民
欠 咸豐元年免道光二十一年至三十年民欠 同治

元年蠲免咸豐中民欠 八年蠲六年以前積欠 以上見府志

光緒元年登極詔自同治七年起至十年止民欠地丁正
雜等款八萬二千五百四十二兩有奇漕贈兵月米麥二

萬六千五百八石七斗三升八合二勺概行蠲免 十年

皇太后五旬萬壽詔自同治十一年起至光緒五年止未

完地損正雜銀款及漕贈兵月等米麥實欠在民者全行

豁免 內地損正雜等銀自同治十一年至光緒元年查照縣卷共免八萬六千四百七十兩有奇漕贈兵月米

麥自同治十一年至十三年查照縣卷共免一萬四千六百八十五石三斗三升五合七勺餘卷未詳 十

五年大婚禮成詔自六年起至九年止凡未完地損正雜等款漕贈兵月米麥概行蠲免如未經奉文以前已輸在官者準其流抵次年正賦是年因上 皇太后欽獻徽號詔自十年起至十三年止未完地損正雜等款漕贈兵月米麥概行蠲免如未經奉文以前已輸在官者準其流抵次年正賦併發積穀振濟貧民 三十二年水災振饑民宣統元年登極詔自光緒十四年起至三十三年止民欠地損正雜等款三十一萬三千五百九十五兩有奇漕贈兵月米麥十萬七千六百四十七石六斗三升一合七勺概行豁免如未經奉文以前已輸在官者準其流抵次

年正賦 以上見縣卷

屯衛人丁田賦附

淮安大河兩衛光緒二十八年奉文裁撤所有事務暫歸知縣衙門管理二十九年又奉文將衛田糧賦劈歸屯坐縣分辦理並令清查屯田令屯戶稅契改屯餉爲丁糧旋令按畝繳價由江南省派辦處司道辦理此屯衛沿革之大略今查淮安衛原額屯贍等田七百十五頃八十一畝六分九釐有奇內除劃分阜甯縣境內十七頃六十四畝四分四釐安東縣境內三百二十八頃四畝八分一釐其坐落山陽境內者計三百七十頃十二畝四分四釐該田

額征屯折正耗銀二千五百三十八兩九錢九分四釐有奇內除劃分阜甯安東外其分歸山陽額征銀數依宣統元年征册計銀一千七百十七兩八錢二分五釐耗銀一百七十一兩七錢八分二釐該田額征米麥豆共五百六十石二斗九升八合五勺內除劃分阜甯安東外其歸山陽額征數目依宣統元年征册計五百二十七石九斗七升八合五勺又額征無耗船料銀一百六十六兩四錢今將淮安衛分存本邑田畝及解款列左

淮安衛

屯樣斗則田二百九頃九十六畝四釐共征銀一千四百四十七兩七分一釐贈運果園斗則田一百三十二頃二分四釐共征銀一百五十八兩八錢三分二釐屋基斗則田三頃二畝六分二釐共征銀十六兩五

錢四分一釐荒熟斗則田六頃六十九畝四分三釐共征銀三十五兩一錢五分六釐荒熟新涸斗則田十八頃四十四畝一分一釐共征銀五十六兩六錢二分九釐一丁攤征月糧額征銀三兩五錢九分五釐共征銀一千七百十七兩八錢二分五釐分解藩庫糧道庫米麥豆每石折價銀二兩一錢解糧道庫無耗船料銀亦解糧道庫又淮安衛帮丁自置程五莊朱陶莊南里莊高墩等五莊田租為合帮公用其價銀係各丁每月由應得餉銀項下按成分扣不足各丁復自出已財以補之車載漕運全書及光緒二十八年知府張慶勛迫於辦學公令稟撥此項田租為中學堂經費查中學堂係六縣公學學款應六縣公籌當因開辦期迫暫將衛丁公田撥入以應興學之急需嗣後應妥議章程分縣兼管邳州衛分歸邳州管理攤認方昭平允附記於此

大河衛奉文裁撤後所有糧賦歸安東桃源清河阜甯沐陽五縣屯坐地方管理

續纂山陽縣志卷七

學校 學宮 學額 學田 禮樂器附 試院 書院

原志學校一門子目有七其敘事簡而該惟所載名宦鄉賢孝子頗有脫誤已為之補闕正譌又采各項事實參以聞見分類續輯重譙泮林題名為原志所無茲特補入卷末增列一項曰學堂溯自歐風東漸停科舉辦學堂論者多謂舍其舊而新是謀不知因時制宜之謂道夏葛而冬裘時使然也科舉之不得不變為學堂亦時使然也應大勢之趨求有用之學以備國家緩急之需莘莘學子與有責焉爾矣



府儒學 光緒初邑人籌款重建魁星閣閣舊制二層增

作三層在明倫堂前向東夾道中邑人顧雲 二十一年知

府張球撥款脩築外泮池南宮牆邑人顧雲 二十三年又

撥款脩葺文昌樓在學之 東南隅及東毓秀坊二十九年邑人丁

寶銓周鈞等即文昌樓舊址改建藏書樓漕督陸元鼎有 記樓中常年經

費由知縣葉芸以聞思寺產豐裕二

鄉上坊田五十四畝二分撥充云

府學宮目大成殿以次一切規制詳原志

名宦祠無續鄉賢祠增祀李宗 孝子祠 增祀李開盛陳延

孫龍章鮑掄鈞撤政卿李時震陳師濂竇雲門詹焜吳毓

珍劉鼎升左守信李文奎管子董阿虎黃如昉范汝琦

周德發駱氏子鮑宗瑾陳隆文畢德李春芳郝其紳楊尊

黃具賓李秉恭王德嘉牟桂榮徐沅詹煜陳應祿陳克諧

李卜儒陳振宗李春田李蓮士支育清陳松齡孫沅林曾

劉金方錢師濬王佐虞邊銳霍裕孫楊步洲周大川周思

恭郭壽臣谷廷松郝雲漢程鍾沈毓文以上山陽劉希向

鹽城孫太離阜甯程元璞安東徐永康宿遷寄籍山陽

府學額 詳原志光緒二十八年生童改試經義策論三十

惟優拔 一年停歲科考學政改為提學使生員三年考職

照行

府學田 詳原志灑埽會田亦附載原志中此會專管學宮

禮樂器 詳原志禮樂器皮於尊經閣內光緒二十八年閣

元明古制無一存者邑人籌款

千緡重購置之物質不古若矣

縣儒學 光緒十五年邑人籌款重建尊經閣增其崇一

尺二十五年教諭汪曾蔭於署前鑿一井備火患也名曰

重福泉 汪曾蔭 有記

學校

縣學宮 自大成殿以次一切規制詳原志

名宦祠 無續祀者 鄉賢祠 增祀李宗昉丁禧生

歷案重讎泮林 為阮學洵竇雲門曹鏞周汝璠馬喬年邱煜丁峻呂為慙宋聯璜陳廷欽劉麟沃朝

陽丁晏沈大炳汪春芹邵承誌陳學程許燮張希曾阮傲曾宋本淳丁顯丁瑞珍張振起吉元劉纘曾孫揚休周鵬

舉劉儀吉馬汝傳陳銘徐嘉顧雲松陳毓璨段朝端秦勳

按以上三十六人其入學年份自雍正辛亥年起至咸

豐丁巳年止

縣學額

光緒十三年禮部奏增廩生四名增生四名由阜甯撥還

附生二名武生未撥還自是廩膳生員定額二十名增廣

生員定額二十名附學生員定額二十七名武學生員仍

舊額十六名

縣學田 詳原志

禮樂器 詳原志

試院

光緒三十一年停歲科試試院廢號舍塋毀殆盡院左右

燈牌公所悉變為民居

書院

邑中舊有書院二曰麗正曰奎文 詳原志 麗正舊定課額歷

任漕督仍之奎文課額光緒七年知府孫雲錦籌款增加

並每月在院局試肄業生正副課各二十名肄業童正副

課亦如之又生童隨課前四十名均給予膏火奎文除原志所載經費外光緒中又由漕督歲撥三百五十千文又淮北鹽分司捐銀五千兩歲得息銀六百兩又田三百畝又三里塘菱草田八十畝均勒石通詳立案續建書院二日射陽日勺湖射陽書院

在城西南隅光緒六年知縣陸元鼎即五雲堂舊址改建

肄業生正課十五名副課十名肄業童正副課亦如之陸元

鼎有記 按經費除漕督月撥錢五十千暨知縣陸元鼎捐錢五百千存典生息外又知縣賈致慎捐錢三百千又捐充四款共錢七百四十千又邑人邊嶠妻金氏捐助豐裕二鄉周莊田二十畝歲包租錢二十四千零又秧田二十畝零包額租三十石又知縣郝炳綸稟撥漕督善後局錢六百千生息

勺湖書院在城西北隅光緒四年邑人顧雲臣脩院為邑人阮學浩別業乾隆

里於此課士後毀於水光緒丁丑邑人顧雲臣亦歸自湖南學政任重為脩葺月集生童課文得士甚盛嗣設經算

兩塾課經解及算術幾何一月一課正課生童各十名副課無定額膏獎由漕督善後局撥給

八年三十年以上各書院先後改辦學堂書院田租典息悉移充學堂經費詳後列

各學堂下

義學

光緒二十九年城內外各義學詳原志一律改辦學堂義學田租

悉移充學堂經費

詳後列各學堂下

學堂

官立江北陸軍學堂在中長街漕督舊署光緒三十一年

百名第一年授普通軍事學次年授專門並江北提督劉永慶奏辦定額學生二

實行野外操演作戰計畫三十三年畢業公立淮安府

中學堂在東長街真武橋東南光緒三十年邑人丁寶銓

周鈞等請於知府汪樹堂就麗正書院舊址改辦

學校

續纂山陽縣志 卷十

以淮安衛公田程五莊朱陶莊高墩莊穿心莊劉莊郭莊興莊羅莊戴莊南里莊額租五千一百四十五石五斗八升九合一勺旱租錢五百三十五千又麗正奎文兩書院田租典息鹽阜清安桃五邑解府忙漕串捐等項為常年經費按中學為六邑公學學款應六邑公籌當因開辦期迫權將山邑衛幫丁等公田撥用俟妥議章程分縣攤認以昭
公立山陽縣高等小學堂 在府署西十王堂光緒二十八年邑人吳兆熊等請於知縣孫鏡齡就奎文書院舊址改辦三十二年重行編制學科組織改良以射陽書院典息忙漕串捐龍興寺田租為
私立敬恭中學兼高初兩等小學堂 在南門倉橋東光緒三十一年邑人丁寶銓就壽佛菴舊址捐貲創辦始設高初兩等三十二年增設中學歲需洋七千餘元除捐置曹田租五百餘石黃家口租二
私立勺湖蒙塾 在府東觀音寺由勺湖移此光緒二十八年邑人顧震福初辦分兩級教授嗣得滬商助款規模稍廓程度在中學高等小學之間三十年畢業停
公立青雲高初兩等小學堂 在觀音寺即勺湖蒙塾舊址光緒三十四年邑人顧震福王恩釋等假城內太平庵初辦小學分兩級教授三十年卒業停辦宣統元年增設高初兩等始移此以青雲會公車款
公立啟明高初兩等小學堂 在童王橋文壽菴光緒三十二年邑人劉士張等初辦以米釐九千續增奎
公立 文加租四十千為常年經費宣統元年因款絀停辦
啟新高初兩等小學堂 在童王橋文壽菴即啟明小學舊址宣統二年邑人郭沅等續辦以縣高等小學分撥串捐錢二百千蒙
公立東區初等小學 在縣東研鐵巷三官殿光緒二十九年改冬書義學為堂東城蒙學三十四年復改辦東區初等校址設府東觀音寺宣統二年移此歲費一百千由蒙學項
公立南區初 下撥給按蒙學款項即舊日義學經費
公立西區初 等小學堂 在察院西程母祠光緒二十九年改春誦義學設研鐵巷三官殿後移此歲費一百千由蒙學項下撥給
公立西區初等小學堂 在漕餉舖街光緒二十九年改秋禮義學為西城蒙學三十公四年復改辦西區初等歲費一百千由蒙學項下撥給

賣山陽縣志
 學校

立北區初等小學堂

在府東觀音寺光緒二十九年改育

四年各區蒙學一律改編初等

以蒙學劃歸育嬰堂另設

北區初等於臺山寺宣統二年

移此歲費一百千由蒙學

撥給 公立中區初等小學堂

在縣東太平街萬壽菴光緒

城蒙學三十四年復改辦中區

初等校址設徐節孝 公立

思益初等小學堂

在東長街衛隍廟西光緒三十

文加租四十千

公立衛籍初等小學堂 在東

為常年經費

長街衛隍廟西宅宣統元年

籍邵進初辦以衛隍廟陋規

公立灑埭初等小學堂 在

一百二十千為常年經費

南門倉 公立三隅合併

橋西三台閣宣統元年邑人吉

元等初辦 公立三隅合併

歲費三百千由灑埭會公款項

下撥給 公立三隅合併

初等小學堂

在西長街火星廟光緒三十

北西北三隅教員張廷鑾譚鼎

臣阮尙義等公請合併三

隅辦一初等歲費仍照每隅六

十千共一百八十千由蒙

學項下 公立東南隅半日學堂

公立東北隅半日學堂公

立西北隅半日學堂

見上三隅 公立西南隅半日

條營射陽書院舊址光緒三十

四年由射陽 公立啟秀蒙

蒙學改辦歲費六十千由蒙學

項下撥給 公立啟秀蒙

學堂

在蔡院西程母祠光緒三十

立明德蒙學堂

在東門胡安定公祠光緒二

年經

費 公立慈幼蒙

費 公立育嬰蒙學堂

經費由同善局撥給 公立

學堂

在紅板橋西慈幼堂光緒二

學堂

在西長街節孝總祠南宅夏

區簡易識字學塾

在城東德盛菴宣統二年初

簡易識字學塾

在縣東太平街太 西區簡

在縣東太平街太

西區簡易識字學塾 在

平菴餘同東區

南區

在縣東太平街太

西區簡易識字學塾 在

平菴餘同東區

南區

西北隅龍興寺餘同東區北區簡易識字學塾在城北福興蒙學總滙

在府東觀音寺即勺湖蒙學舊址光緒三十二年邑人阮師凝于述祖等勸辦設算學體操兩科總滙一所令各區

生徒按日輪流來此練習歲費需洋六百元由縣師範傳高等小學及蒙學經費項下分撥一年餘停辦

習所 在蒙學總滙舊址光緒三十四年邑人周珩于述祖等勸辦定期一年畢業歲費需洋一千二百元除蒙

學總滙舊有洋六百元由知縣沈鴻儀捐洋四百元單級邑人顧震福捐洋三百元沈履清捐洋一百二十元

教授練習所 在漕署東范巷極樂社宣統二年邑人沈有壬童富康勸辦每月由串捐項下撥給洋十

元一年 地方自治研究所 在南門舊試院內宣統二年邑停辦 人孫承嘉勸辦經費由縣署自

治公費項下撥給旋停 公立南郭半日學堂 在南門外準辦 以上城內學堂 公立北郭半日學堂 在夾城興隆

十四年勸辦歲費六十 公立北郭半日學堂 在夾城興隆干由蒙學項下撥給 公立桂香初等小學堂 在河

六十年由聯城蒙學改辦歲費 公立桂香初等小學堂 在河巷街東光緒二十九年由桂香義學改辦蒙學三十

四年復改辦初等歲費一百千由蒙學項下撥給 公立

養蒙初等小學堂 在河下羅家橋西光緒二十九年由養等舊有存典錢一千六百千自肇慶典閉歇息金無出

僅收回該典市房數間歲租金一百千為常年經費 公立

立新城半日學堂 在新城圓明寺內倉頡祠光緒三十四年由新城蒙學改辦歲費六十千文由

蒙學項下撥給 公立求是高初兩等小學堂 在板開鎮東街北愛蓮亭舊址光緒三十

二年就板開義學改辦以翁公書院原撥義學田 公立鳳租錢二百千為常年經費三十三年因款絀停辦

鳴初等小學堂 在板開鎮觀音寺光緒三十 公立澗東高初兩等小學堂 在東鄉車橋鎮兜率院光緒三十四年邑

六十千為經費宣統二年邑人潘蘭華等增設高等改名澗東以該院住持僧久出不歸稟請知縣恩厚準將院產

和尙圩大呂社後莊中興莊校址後五處田一頃九十九畝零小北圩門外田二十七畝南圩外之放生菴四十八

實山陽縣志 卷十 學校

公立澗東高初兩等小學堂

公立鳳租錢二百千為常年經費三十三年因款絀停辦

公立北郭半日學堂

公立南郭半日學堂

公立求是高初兩等小學堂

公立桂香初等小學堂

公立北郭半日學堂

畝零校址前菜地一塊租錢二十八千為常年經費
公立明新初等小學堂見上澗東下

公立廣益初等小學堂在東鄉周莊鎮萬福菴宣統二年邑人劉蔭農等勸辦經費由本鄉

籌集 東鄉簡易識字學塾在東鄉中橋程母祠宣統二年勸辦經費六十千由賓興田租撥給

按賓興田係由程母姚孺人捐出惟租數不多除城內分設簡易識字四塾外又於該鄉特設一塾教授程氏及附近子弟以示酬德報本
公立作新高初兩等小學堂在鄉平橋鎮元通寺光緒三十三年邑人吳壽恩等勸辦初等宣統三年增設高等以元通寺撥租二十石奎文加租一百二十千

公立南溪高初兩等小學堂在南鄉崔家堡為常年經費

公立幼名南溪宣統三年增設高等經費由本鄉籌集

及初等小學堂見上南私立文倫高初兩等小學堂在南鄉曹

旬鎮郝氏宗祠光緒三十二年邑人郝崧壽暨族人公同籌款勸辦宣統三年因款絀改辦初等

公立萃時初等小學堂在南鄉馬福洞東北薄甸岡復興菴宣統三年邑人于廷銓等勸辦經費由本鄉籌

集 公立咸河半日學堂在南鄉八板社光緒二十九年由復改辦半日歲費六十

公立人慶初等小學堂在運河西岸軍餉關

公立肇明初等小學堂在西鄉王

公立佑啟初等小學堂在西鄉林

公立黃家集半日學堂在西鄉黃

公立高澗半日學堂在西鄉高澗鎮北光緒二十九年由

公立高堰半日學堂在西鄉高家堰

公立山陽

公立山陽

公立山陽

公立山陽

公立山陽

公立山陽

公立山陽

公立山陽

公立山陽

公立山陽

溝半日學堂

在西南鄉山陽溝鎮北光緒二十九年由山陽溝義學改辦蒙學三十四年復改半日歲

費六十千由蒙學項下撥給

公立啟蒙初等小學堂

在東北鄉王家莊福田菴宣統二年

邑人王恩銘等勸辦

公立城志高初兩等小學堂

在北鄉宋家集

經費由本鄉籌集

觀音庵宣統元年邑人谷紹彥等勸辦初等二年增設高等經費除觀音庵撥田租二十餘畝大王廟撥田租四十畝外餘由勸辦人公共籌集

公立順河集半日學堂

在北鄉順河集光緒二十九年由順

河集義學改辦蒙學三十四年復改公立欽工半日學堂

半日歲費六十千由蒙學項下撥給

在北鄉欽工鎮太平庵光緒二十九年由欽工義學改辦

蒙學三十四年復改半日歲費六十千由蒙學項下撥給

以上城外學堂

原志學校補遺

府儒學

明萬歷二十年知府李元齡重修

邑人朱維藩有記

府學名宦祠

國朝俞有章路慎莊

府學孝子祠

南朝宋王彭

牌列第一

國朝任士鍾

彥湯日進周鳳翔

清河劉曉源

縣學名宦祠

國朝路慎莊

續纂山陽縣志卷八

選舉

進士 舉貢 堂畢業獎附 局議員附

舉貢考職附 武科 韃韃學堂畢業附

附生考職附 學 諮議

原志載選舉子目甚夥如孝廉鄉薦鴻詞徵辟以及勳爵封贈之類從舊例也今則併為科舉一途其他無聞焉而例貢例監勳爵封贈諸類前志已不濫登故仍從畧迨光緒季年廢科舉興學校遂增入學堂畢業五貢考職兩門諮議局選舉係預備立憲之特典因併載之至原志之缺而誤者另補正於後若行誼卓卓而有德業可考者則另詳人物志



進士 續戊辰科

朱占科 光緒癸未戶部員外郎雲南順甯府 丁寶銓 己丑吏部郎中山西巡撫 周鈞 壬辰由中

書中式 丁福申 壬辰吏部員外郎 田毓璠 辛丑王寅併科署六安州補泗州

徐鍾恂 嘉姪編脩 張廷棟 署定陶縣以上甲辰 此後科舉停廢

舉人 續庚午科

朱崇慶 禹時俊 殷殿揚 何其厚 順天選高郵州學正以上癸酉 劉

鼎臣 光緒乙亥 田銘 吳兆熊 直隸大城縣改河南補上蔡縣 顧雲松 韋昉

山西知縣 朱占科 見進士 阮頤隆 署邳州學正 曹應熊 邵溥 副榜

邵培壽 副榜以上己卯 洪錫初 鄞縣 潘蘭齋 德興孫署海州學正 項發榮 江西知縣

周鈞 見進士以上壬午 周鴻磐 乙酉 賁鍾驥 八旂官學教習 魯懋 一同孫署長樂縣

丁寶銓 見進士 彭惟壙 順天副榜戶部候補主事以上戊子 田毓璠 見進士 周銓

常熟 丁福申 見進士 陳苑芬 副榜直隸法官 丁佑申 副榜北祺曾孫署武邑縣以上

己丑 王恩繹 候補內閣中書 丁佑申 見前 楊八元 順天副榜 顧震福 雲

子 何福謙 其濬 王鎔之 以上 徐鍾恂 見進士 周珩 由安徽知縣

朱邦獻 占科內閣中書 李佑元 署河池州 唐迺釗 副榜由考職授七品小京官

朱邦偉 占科內閣中書 杜維翰 秉寅子順天以上 張廷棟

見進士 童振藻 由考職授知縣署雲南霑益州以上癸卯 以後科舉停廢

耆榜

王承灝 副榜 馬湛恩 副榜 吉士奇 副榜 李灝齡 正榜 科分未詳

貢生

續纂山陰縣志 選舉

丁延福 壽祺子癸酉拔貢 直隸候補州判 丁壽寶 晏子癸酉拔貢八 旗教習以上府學何其

濬 癸酉拔貢侯 鮑潤生 癸酉優貢候補內 閣中書以上縣學 王雋 馬步常

薛超 以上 周懷恩 沈汝官 署興化教諭 光緒年韋鉞

高沅 鮑崧生 楊恩沛 馬鉉 恩 詹坦 乙酉拔貢揚 州教授雲南

新平 成俊生 乙酉拔貢 邵崇琦 恩 單瀛 楊焱宗 何福

恆 其濬子甲午優貢 邵恩壽 丁賜福 晏 徐鍾恂 丁酉拔 貢見進

士 郝雲鴻 郝雲林 程業勤 李熙齡 以上均 韋福安

恩貢直隸 朱占鼇 選贛榆 黃振埏 恩 郝掄英 杜秉寅 乙 酉

八元 恩貢見 陳澧 王貴蘭 恩 顧震福 丁酉拔貢 邵祖壽

陳振瀛 朱邦彥 占鼇 子 丁元福 晏 孫吳夢璜 葉爾康

徐兆嘉 恩 朱邦傑 占科姪癸卯優 秦粵生 煥孫丙午優貢 七品小京官

陶鍾篋 丙午 周焯 由考職授 周虎臣 以上 宣統年章聯棣

福安 童富康 田遇春 銘 沈迺益 以上已 西拔 王其康 由 考

職授直 戚震瀛 以上已 西拔 臧鼎祥 已 西優貢 陶肇同 已 酉

優 隸法官 戚震瀛 貢均縣學 臧鼎祥 安徽知縣 陶肇同 酉

舉貢考職 法官考試附

唐迺釗 見舉 童振藻 見舉人以上光緒 周珩 見舉 周焯 見 貢

生以上宣統 庚 王官壽 葉金揚 並由留學日本法政 王

其康 見貢 陳苑芬 見舉人以上宣統 畢業考取山西法官

附生考職

黃家翰典史趙邦翰巡檢張錫祜典史程崧雲典史以上丁福鈞

巡檢胡恩綬典史唐士魁典史呂宗安典史以上宣統己酉

學堂獎舉貢

洪百庚京師優級師範畢業獎師範科舉人中書科候補中書沈乃頤兩江優級師範本科畢業

內閣候補中書人唐士杰留學日本早稻田大學法政部畢業獎法政科舉人曹昌慶

留學日本中央大學法政部畢業獎法政科舉人賈瀚庠留學日本明治大學商科畢業獎商科舉人

丁玉麐蘇州優級師範學堂畢業宣統三年考取師範科舉人魏琳 夏煥雲蘇州優級師範學堂畢業以上

並獎師範科舉人

周炎 王官鼎以上淮安中學堂畢業獎拔貢宋焜 沈乃康 潘熙以上

淮安中學堂畢業獎優貢 郝昭宸 郝福姚以上淮安中學堂畢業獎歲貢楊榮獎師範科

貢生以湯鈴 亢榕門以上並淮安中學附設師範科畢業獎師範科貢生以教諭訓導用

周士森京師法政學堂畢業獎副貢

武進士 續辛未科

劉定鼇 李豐元 東昌衛守備以上同治甲戌 帥明德 光緒丙子用衛守備 金鳳

岐 侍衛吉安營參將 楊銳泉 用衛守備以上庚辰 浦同慶 癸未用衛守備 牛錫恩 丙戌

用衛 許壽昌 己丑侍衛宜昌營守備 周炳元 庚寅侍衛北營遊擊 李鎮鈞 壬辰

侍衛 壽春 宋開發 侍衛常州營遊擊 王鎮淮 用衛守備以上甲午 黃復元 侍衛

營遊擊 通州 韋宗俊 侍衛河南前營守備 屠金冠 和州營守備以上乙未 任聯捷 榜眼侍衛

都司 陳鳳元 侍衛王家營參將以上戊戌 以後武科停廢

武舉 續庚午科

劉定鼇 見武進士 張介人 金鳳臺 李豐元 見武進士 周琦 殷

汝驥 季殿英 以上癸酉 季國楨 陳占鼇 黃殿元 宋佩

續纂山陽縣志 卷八 選舉

鳴 楊沛霖 以上光緒乙亥 季殿萃 楊步高 張啟元 以上丙子 靖

國鈞 程錫琪 金鳳岐 見武進士 楊守廉 周璞 丁培福

楊銳泉 見武進士 季殿芹 以上己卯 浦同慶 見武進士 葉金芝 以上壬午 趙

殿甲 牛錫恩 見武進士 許壽昌 見武進士 陶殿魁 以上戊子 楊炳南

唐占魁 周炳元 見武進士 王鎮淮 見武進士 楊慶升 以上己丑 岳紹武

葉向昇 李鎮鈞 見武進士 任聯捷 解元見武進士 屠殿煌

黃鎮鈞 宋開發 見武進士 金世勳 屠金冠 見武進士 陳鼎

芬 見武進士 黃復元 見武進士 張冠芬 韋宗俊 見武進士 趙連璧 劉

壽祺 以上甲午 沙雲鵬 王樹棠 陳鳳元 見武進士 此後

武科停廢

江北陸軍學堂畢業 五見學校

洪錫祺 陳斌 劉鈞 顧鳳綸 以上兵科 洪樹敏 馬兵科

陶肇同 黃鴻藻 以上兵科 黃鴻春 洪百承 郭鼎

勳 以上兵科 李維新 張志新 葉金釗 以上重科

北京軍官學校畢業

黃作 用陸軍少校

選舉諮議局議員附

周虎臣 光緒三十四年以預備立憲通令各省選舉諮議局議員由本邑公民投票選舉周以得票最多當

選次年入南京諮議局供職

原志選舉補遺

博學鴻辭

邱象隨 李鎧 張鴻烈 以上三人國史皆有傳

進士

秦煥 戶部郎中廣西按察使國史有傳 顧雲臣 編脩湖南學政

舉人

吳虎炳 <small>國史有傳</small>	邱龍標 <small>署孝豐縣信今錄補</small>	馬元文 <small>以耆年賜翰林典簿據信今錄</small>
補丁晏 <small>內閣中書有傳</small>	汪承佑 <small>廷珍孫乾隆四年以館書告成特賞舉人</small>	李壯采 <small>乾隆</small>
甲寅副榜 據	鮑桂生 <small>署貴州按察使</small>	丁顯 <small>睢甯人</small>
信今錄補	補山西雁平道	何慶芬 <small>改名</small>
教諭 丁賜綬 <small>金壇教諭</small>	陳壽彭 <small>內閣中書留</small>	譚蔭熙 <small>碭山訓導</small>
教諭 丁賜綬	陳壽彭	譚蔭熙

續纂山陽縣志 卷八 選舉

元祁門縣邱寶生涇縣徐嘉崑山教諭郝雲臺丹陽訓導

貢生

馬宸笏以耆年賜舉人金廷棟分水縣改河南署洧川縣朱殿芬洧川縣

續纂山陽縣志卷九

軍政 綠營 新軍 徵兵 警察

原志載本邑軍政於綠營沿革言之綦詳今查中營左營右營城守營之在本邑向關重要每屆大閱之歲節使按部至淮悉於新城教場操演戰陳親加簡汰四營以外更檄調鹽城廟灣東海及鎮標各營來淮合操咸同軍興以後河漕裁撤漕督兼理河務移節清江嗣後閱兵大員多不蒞淮而蒞浦然日久玩生奉行者無復循名責實以致簡練車徒之大典棄若弁髦操練既曠技擊益疏士卒之老弱無能者多另謀生業其遊手好閒之輩輒遇事生風

爲閭閻害此亦積習使然非一朝一夕之故光緒十八年兩江總督曾國荃奏裁淞南淞北兩營嗣經該地方紳民公請保留復奏準以江蘇通省地方各營酌量裁減兵額協助淞南北營餉項因之淮安城守營亦裁額兵三十餘名二十年中日戰後朝廷知綠營腐敗不能復用於是迭降諭旨改練新軍裁汰綠營二十一年江督張之洞奏裁各營馬戰守兵三成自二十二年始按年裁減一成二十三年又裁一成二十四年江督劉坤一復以綠營裁減地方空虛新軍未及分布奏請自本年始暫緩裁汰奉旨依議由是二十二十三兩年淮城四營僅裁去馬戰守兵

二百餘名此綠營裁減成數之始二十八年漕督陳夔龍奉旨裁撤淮安大河兩衛所有屯田賦稅悉歸縣署完納是年復經署督陸元鼎奏準以淮城四營馬戰守兵一律改編警察除已裁二成及先期調練並書識名糧外將各營實存兵數若干原有餉折馬乾等銀若干抵沖折算劃一餉項其鎗械服裝路燈等費有不敷支用之處更酌量每營裁官弁數員以俸廉彌補用費嗣又將中營副將改駐清江游擊署淮安城守營參將張邦才因本署房屋破壞不堪居住遂遷移副將署內稟請改中營署爲城守營署此綠營改變舊制之始三十一年江北提督劉永慶

續纂山陽縣志 卷九
改漕標營制隸入提標遂奏將左營全營裁汰宣統二年
江北提督王士珍復奏請將右營全營裁汰又裁中營城
守營官弁數員此綠營漸就裁撤之始誠以綠營所習弓
箭鳥鎗籐牌雜技不及泰西戰陳鎗礮教練之精嚴又將
弁疲弱士卒哀惰日久弊深無可諱言因時改革不得不
爾茲將綠營裁撤始末分列於左爲本邑軍政求一結束
焉至新軍徵兵爲國家新政之要擇其與本邑有關係者
列書於後以資參攷

綠營

一中營 光緒二十年以前官弁兵丁人數俸米餉乾銀

數與原志所載無少增損副將都司駐紮地點營汛火藥
局教場亦與原志所載無所變更二十年後奉 旨裁減

綠營兵額遂於二十二三兩年按年各裁一成至二十八
年改編警察時僅實存兵一百二十名劃定什長十二名
每名月餉銀二兩九錢正兵一百八名每名月餉銀二兩

四錢

餉數各營一律

每歲共應支餉銀三千五百二十八兩二錢

原有額兵每歲餉折馬乾等銀四千一百九十二兩三錢
五分除裁二成額兵及先期調練並書識名糧餉項外所
存銀數不敷發給警察月餉至路燈鎗械韉帽冬夏衣服
等費尙無所出因又裁汰千總一員把總一員外委一員

續纂山陽縣志 卷九
以俸廉補充不足嗣又將副將移駐清江遊擊署宣統二
年復裁都司一員把總一員外委一員額外一員以清江
城守營都司爲中軍都司至是自乾隆元年改設之中營
已名存而實亡矣

二左營 光緒二十年以前與原志所載各項亦無增損
變更二十二三兩年按年各裁額兵一成二十八年改編
警察時僅實存兵一百二十九名劃定什長十三名正兵
一百十六名歲應其支餉銀三千七百九十三兩二錢原
有額兵每歲餉折馬乾等銀四千五百七十七兩零五分
除裁二成額兵等項外所存銀數不敷發給警察月餉至

鎗械路燈衣帽等費亦無所出因又裁汰把總一員外委
一員以廉俸補充不足三十一年江北提督劉永慶奏將
全營裁汰都司署由山陽縣知縣胡希林稟請改爲山陽
化莠所守備署由淮安府知府應德閔呈請拆賣充城內
警察路燈費用至是自乾隆元年另設之左營裁撤矣

三右營 光緒二十年以前與原志所載各項無有增損
變更二十二三兩年按年裁減兵額一成二十八年改編
警察時僅實存兵一百三十二名劃定什長十三名正兵
一百十九名歲應其支餉銀三千八百七十九兩六錢原
有額兵每歲餉折馬乾等銀四千三百四十四兩七錢四分

四釐除已裁額兵二成等餉項外所存銀數不敷發給警察月餉至鎗械路燈服裝等費亦無所出因又裁汰把總一員外委一員以廉俸補充不足宣統二年江北提督王士珍復奏請將全營裁汰至是自順治二年設立之右營亦裁撤矣

四城守營 光緒十七年以前與原志所載各項無有增損變更至十八年裁額兵三十餘名補助淞南北營餉項二十二三兩年遵 旨按年各裁額兵一成二十八年改編警察時僅實存兵三百四十四名悉數改為警察兵劃定什長三十四名正兵三百十名歲應共支餉銀一萬零

一百十兩二錢原有額兵每歲餉折馬乾等銀一萬三千三百三十八兩六錢除歷次裁撥各兵及先期調練並書識名糧餉項外所存銀數不敷警察月餉及鎗械路燈衣帽等費因又裁汰千總一員外委一員以廉俸補充不足宣統二年江北提督王士珍復奏裁把總一員外委二員額外二員三年改參將為營長至是自康熙三十七年設立之城守營亦裁撤矣
查現制守備以下有千總二員一充版開汛兼淮安關管庫巡捕等差一在城專司操練兵丁之職把總四員一舊城汛一新聯汛駐防河下鎮一涇河汛駐防平橋鎮一清江汛駐防大堡後移駐欽工鎮外委六員一舊城副汛一河下副汛一塔兒頭副汛一草灣副汛一岔河副汛一車橋副汛與原志所載管轄職務及各汛地名稱畧有不同何年變更無可查攷今各汛已隨同本營廢止姑附誌於此以存遺

制

新軍

當綠營未廢以前朝廷於招募新軍教練洋操之舉迭諭遵行光緒二十一年總督張之洞奉旨招募新兵萬人先以一軍開練逐漸推廣調德國將弁三十五員教練泰西戰陣兵法仿德軍制步隊以二百五十人爲一營營分三哨馬隊以一百八十騎爲一營營分四哨砲隊以二百人爲一營分哨如之工程隊以一百人爲一營計步隊八營馬隊一營砲隊二營工程隊一營凡十二營共二千六百八十人是爲一軍又另招馬隊一營每營派洋將一員爲營官華官副之每哨派洋弁一員爲哨官選華弁由武備學生出身者副之以各營精習洋操之勇丁爲什長其帶兵訓練之權悉以委之洋將弁約束懲戒之權則專歸華副營官無論馬步礮各兵勇每人常年飯食肉食及韉帽棉夾單衣褲冬令皮衣概由官給馬隊每馬常年鞍轡及喂養等費亦由公家發給概不扣除餉項每月按名淨給餉銀五元並照德制派員會同地方官慎擇樸實農民身體強健年在十六以上二十以內者爲合格取具族鄰團董甘保各結聲明向未爲非並無過犯情願效力十年不得自行告退其市井遊民素不安分者雖年輕體壯

續纂山陽縣志 卷九
亦不收錄淮屬委江蘇候補清軍同知李文濤會同知府張球通飭各縣共招募步隊一營加二成計三百名設局郡城府東觀音寺內限二十日招齊帶省每名每日先行發給小口糧錢一百文到省時仍飭洋操統帶提調等官會同西醫復加考驗果係血氣壯健毫無隱疾方得分隊教練否則給資派員押送回籍遣散其鹽阜清桃各縣則另派委員會同地方官按章招募送淮點驗無如風氣未開應募寥寥淮局報名投驗者僅二十人浦局呈送點驗者僅五十人其餘各縣均屬闕如

光緒二十二年奉 命督練新建陸軍直隸候補道袁世

凱委派兩江補用副將充新建陸軍右翼步隊第二營管帶吳長純分發中書科中書路孝允等至江蘇淮徐等處招募壯丁一千五百名添設新建陸軍右翼第二營其招募格式大致與上年江督張之洞招募新軍相等惟年歲限二十歲至二十五歲爲合格力限平托一百斤以外身限官裁尺四尺六寸以上步限每一時行二十里以外中選待齊以前每名每日發給小口糧錢一百文募齊開差以後發給小口糧每名每日錢一百五十文頭目每名每日二百文有能粗通文字者口糧照頭目例成營時正頭目每月餉銀五兩五錢副頭目每月五兩正兵每月四兩

續纂山陽縣志 卷九
五錢伙夫每月三兩五錢長夫每月三兩米價在內柴價
在外當由知府張球會委札飭各縣出示曉諭招募彈壓
是年淮徐海三屬共募得新兵八百人

宣統元年九月江蘇巡撫瑞澂以二十三混成協統領陳
得龍請徵工輜兵士暨徵補兩標馬步隊空額並備補兵
當飭督練兵備處袁世凱委派參謀處提調張祖禕一員
爲正徵兵官四十五標三營左隊隊官金凱四十五標二
營右一排排長張中立四十六標二營前二排排長李振
翮協部候差員朱廷炬四員爲副徵兵官至淮徐海三屬
徵兵一千一百名其章程與光緒二十二年招募新建陸
軍時大致無異惟部章增入發給該兵家屬執據一條發
給執據時須徵兵官與各地方官會同辦理並一切甘保
各結均須州縣加具總印結彙齊移送徵兵官轉呈督練
公所公同負責因之徵兵官到淮由知府劉名譽札飭各
縣出示招募遵章辦理一切

徵兵

徵兵之制與陸軍招募無甚差別其以步騎礮工輜分隊
教練亦與陸軍分隊相等惟每年於各標挑選兵士一百
二十人甄別試驗其考取及格者六十人則爲學生學生
對協統以下皆稱之曰老師其不及格者六十人仍爲兵

士兵士對隊官以上皆稱之曰某長是以陸軍之性質而兼寓學堂之體制焉光緒三十二年徐紹楨統制奉旨派為徵兵司令部會同兩江總督周馥在江蘇創辦徵兵一師派員來淮會商知府張慶勛知縣胡希林鈔錄章程出示徵集其大概亦與招募陸軍章程無甚歧異餉項正目每月銀五兩一錢副目每月銀四兩八錢正兵每月銀四兩五錢副兵每月銀四兩二錢常續備兵每月銀三兩師統四協協分四標標分三營營分四隊隊分三排排分三棚每棚兵士十二人肩袖符號以紅白黃藍青為步騎礮工輜五隊識別本邑投驗入選者有江來甫等五人隨

由委員帶至揚州徵兵局每名每日發給小口糧銀一角五分迨徵集足額始彙齊赴營分隊訓練三年退伍及兩江總督端方任內第二次徵兵又派委專員來淮辦理一切

警察

山陽警察光緒二十九年經漕督陸元鼎奏請舉辦三十年二月成立以淮安府知府為總辦城守營參將為會辦就舊城二郎廟設巡警總局領以哨官一員於四城門之兵舖分設四局各派什長二名駐領之城守營洋礮隊八十名全數改為郡城日班巡警分段站崗每人除原餉外

每月加支津貼餉二千四百文哨官月支原薪十三千二百文另於城守營兵挑練三十名為郡城夜班巡警每月加餉二千四百文並於左營挑兵四十名以二十名為郡城夜班巡警以二十名分布東南西三門外及聯城又於右營挑兵八十名分布河下及新城東關等處日班六十名夜班二十名每名月餉及哨官月薪並如前數日班每警二人輪值一崗夜班三人為一起輪流巡查每巡警十人為一棚每棚設什長一人其未經挑選各兵隨時輪班更換以均勞逸至三十二年裁撤左營所有由左營挑練巡警一同取消其餘各營挑練巡警仍照舊章至宣統三年止無變更

人物目

丁 晏 子壽祺 壽恒 李續香 弟友香 許肇祁 從子啟山 張涵貞

李 鎮 朱蟾 張 珣 張 墀 萬應新

孫汝鵬 周曙東 周殿喬 谷廷松

李元庚 子鍾駿 詹 焜 弟煜 儀吉 劉 徐振淮

曹應熊 胡克敬 范以煦 盧雲藻

秦 煥 從父光第 潘亮彝 兄亮弼弟亮熙 亮弼子蘭騫

高延第 鮑桂生 祖宗瑾父掄彥 子步垣

李蓮士 邵 鍾 馨 陳松齡 劉金方 謝芝生 董春臺

丁 顯 張景煌 何慶芬 丁瑞珍 張振起

人物目



殷自芳

程鍾

霍裕孫

徐沅

黃振遠

顧雲臣

曹架

阮家駟家駿祖王端生

閻士榮

趙揚

劉鼎臣

黃振均

兄振淮

董阿虎

董正榮周德發駱誠

工許得慶

魯蕘

郝雲漢

劉慶雲漢從孫嵩壽

丁禧生

周鵬舉潘慰祖

陶森林

何其傑

叔鏞弟其濬

徐嘉

譚蔭熙程席齡

于兆龍

黃嗣榮

馬自強

兄自明

劉鴻昌

吳煥文

張信甫

李承緒

朱占科

兄占鼇

陳壽彭

吳兆熊

王炳奎

高祖壇

成飴

附各畫家

人物補遺

張大甯

楊道孚

父補之

楊介

王宋人鑑以上

孫吳會

元人

陳肅

齊政

劉麒

弟麟

朱兆南

朱維城

以上明人

李元讓

鄒準

閻洞

朱于宣

徐麟吉

劉祈年

周煌孫其燮郝

楊日炯

楊光曾子壽恒

高峙

祖全椿

施廷鈞

張鎰

父大樽

任維垣

王柳

朱文齡

朱書勗

吳虎炳

田弟怡

邱照

程揚震孫德齡邱

兆軒

李秉恭

子卜儒周台孫

許超

秦藩汪奉恩曹若曾

王子淇

黃振壇

竇雲門

禹懷珠

周永壽

丁長春

邱 兢 沃林 下擴忠

劉景沂 孫 耕弟 讀 郝 權

王如椿

李壯采 吳毓珍 楊登高 伯父哲夫

邱 鼎

戴廷莘 沈世南 陳廷欽 汪 桂

丁兆祺

屠春林 叔璜 焦承秀 丁峻 邱大鵬 王彬

牟桂榮

段韶成 徐登鼇

丁 智

盧 生 邱 彬 王春芳 王大寰

流寓

汪 椿

程禹山 毛夢蘭

吳昆田

甘 煦 王肇元 顧遜之 羅 笏 張寶德

高均儒

王 琛 從子範 尹耕雲

汪黎獻 子際雲 朱友三

裴蔭森 毛昌本

王錫祺

蔣清翊 子黼 路 岷

楊士驤 張汝梅

黃海長 從兄海安

流寓補遺

傅 山

閻爾梅 胡 介 范良 問奇 喇人 潘

毛奇齡

馮 景 程晉芳

忠義 凡三十二人不列目

都凡二百五十六人

續纂山陽縣志卷十

人物

原志人物按時編次不區門目立例極善惟以邑人秉筆鄉曲徇情勢要請託或在所不免以致語其行則人皆曾史舉其文則士盡卿雲雷同勦說是竟以地志為私家之傳記矣原志尚無此弊是卷一切從慎去取之間不敢出以假借所舉事實非得諸故籍即采自鄉評善或從長語非鑿空知我罪我聽之而已

國朝

丁晏字儉卿號柘唐性穎敏博聞強識九經皆成誦嘉慶



中阮漕督元試士書院以漢易十五家發策晏草萬餘言上之分條析派博而有要文達與江山長藩異之湯學使金釗以大學格物論語正名易之爻辰詩之五際禮之禘襲諸義策諸生復對數千言大爲學使所賞王尙書引之嘗序所著書以爲能紹鄉人閭百詩之學由舉人大挑得教諭不謁選一意著書咸豐初粵寇南下江甯揚州相繼陷當事者延主團練時賊鋒逼近人情惕息督師揚州者忽棄軍走郡城土寇乘勢揭竿起晏以方略贊守土者鎮遏內外禽劇賊散逆黨城鄉復定有仇家構於軍帥事聞逮赴揚州行營踰年讞上以贖論年八十二卒生平讀書

爲學篤守有恒之訓治一書已方治他書躬自校訂丹墨不去手嘗謂講學者多疏於治事故於鄉里利病凡振恤災荒築城濬渠諸役每爲當事者牽挽多有成效長子壽昌原志有傳仲子壽祺字仲山進士歷官內閣中書刑部郎中出爲池西道未赴任養親卒壽祺天性篤實以父兄爲師力學有家法居刑曹久讞獄平恕爲長官所倚重再隨使者勘辦事件清操益勵集同人修輯縣志三弟壽恒與焉壽恒字叔居諸生淵源家學熟於文獻有才識晏所設施多壽恒爲之贊助云晏國史有傳

李績香字少白友香字芷江俱諸生工詩從學師盛大士

游醉心風雅兄弟迭主壇坫與張涵貞許肇祁陳長庚王
洵從子啟山結吟社涵貞字梅塋肇祁字繁溪啟山字子
沄均諸生長庚字西堂洵字信之均布衣前喁後于極一
時唱酬之盛友香天才亮特蚤卒續香詩筆高渾其得力
在船山仲則閒日深碧白晝能見鬼物著蛩窗冷語有東
坡海上之風同社中與長庚交尤摯其卒也長庚哭之慟
不數月亦沒

李鎮字笛樓居柘塘性閒靜惡徵逐年四十尙困童子試
香吟咏五言得漢魏之秘值周濟任府教授銳賞之爲延
譽公卿閒卒未青其衿同里朱蟾字研農布衣高隱亦能
詩賴丁晏序以傳然晏尤稱二張之詩

張珣字竹儕諸生幼孤露貧不能具饗飧然好學深思靡
閒寒暑張墀字楚農廷杰子亦諸生與珣俱工詩墀才氣
縱橫駿發踔厲珣善爲悽戾之音澹雅精潔絕去塵俗二
人皆善病墀患心疾鍵戶獨居自焚其詩稿珣以療疾卒
年甫三十有二聘許氏女貧未娶亦哀毀而死

萬應新字庚溪英敏力學鑽研傳注有五經無雙之譽與
丁晏善討論學術晏贈以長歌幾八百言推挹甚至中道
光癸巳進士授廣東知縣到粵一年卒年甫四十無子

孫汝鵬由行伍游歷徐州中營守備蕭營都司升廣西南

甯城守營都司從軍浙江道光壬寅鎮海陷汝鵬力戰罵賊夷兵怒而支解之事聞賜優卹汝鵬白晳豐頤儀觀都雅人以爲白面書生也乃見危授命若此丁晏著傳謂宜祔祀關忠節祠事不果行

周曙東字覺軒駙馬營人制行嚴正父冬月病劇醫謂得啄木鳥爲羹可治捕之不獲乃禱諸神泣行溪曲忽有雙水盜鹽阜飢黎流離道路曙東率同志設粥廠於鎮之司徒廟數月弗懈年七十一卒子七人皆有聲庠序鄰村周殿喬字木天諸生署訓導敦學愛士所至有聲尙義氣重然諾嘗冒死赴清江浦救友人鄭錫五游戎眷屬十數人於亂軍中人尤以爲難教子與曙東埒子六人四爲諸生仲子鴻磐登乙酉鄉榜

谷廷松字幼芸舉人有操行爲廩生時不與保保亦不受人一錢鄰人假其傭與渡河他舟觸之溺死繫其舟將訟之傭固獨子鄰人亦窘乏廷松釋其舟而贍傭父母終身有鬻田者旣書券以瘠易腴買者不受將械鬪廷松以己腴田易之事得解平生以教授自給積貲置祭田數十畝以廩族之向學者家居孝友妻嘗見苦於羣妯廷松諭以禮卑下之詬誶遂絕鄉里推其行誼多有化之者

府志

李元庚字莘樵附貢遠祖挺秀 國初棄學籍不與試至元庚七世皆以詩名世居河下親見饑商當日豪侈之習酒闌燈炮縱談往事聽者忘倦著有望社姓氏考河下園亭記談文獻者奉爲枕秘子鍾駿字笠夫諸生紹承家學多識前言往行亦工詩與徐嘉黃海長相誦唱

詹焜字曉嵐家聯城門瀕河父刺船出舟覆無知者焜年八歲適見之急躍入水呼救家人齊集泅以出父得甦及長愛敬尤摯逢母怒盤辟中庭俟色少解乃卽安待弟妹極有恩弟煜號竹坡父目失明時焜已卽世煜日侍左右無頃刻離母病篤親爲撤穢旣沒廬墓遇祭日必往哭終身不輟光緒朝先後以孝旌其女夫劉儀吉字雲鴻增生父鼎升亦諸生以孝聞儀吉守家法母老患脾洩憂極嘗糞母卒日謁墓寢室中薦時食事死如事生通經術尤邃於易婦詹亦以孝著

徐振淮字漢瞻事親盡孝性篤實好施與喜放生道見貧婦衷衣不完卽入廁褫以與之忍凍欲僵不顧也友人少孤有家難振淮調護甚力無子入泮後卽逝

曹應熊字西園少有聲庠序客授南北挾青烏術遨遊公卿閒性骯髒於人少所可然所交率勝流與胡克敬絕相重人多以直方大目之晚登賢書無所試而卒克敬字梓

農歲貢工詩古文詞同治壬戌西捻犯淮克敬所居石塘鎮當其衝督團禦之一方以安

范以煦字詠春幼穎敏異常兒讀書過目成誦常從外舅祖丁晏問學博聞強識邃於經術道光癸卯受知於毛侍郎式邵以優行貢成均屢應試不第至咸豐己未始中京兆副車年四十三矣不一年卒素篤友誼嗜文字若性命與訂交必索著作付劄牘以傳其人尤熟於梓鄉文獻撰述甚夥版行者淮流一勺淮壩小記楚州石柱考皆博洽稗掌故

盧雲藻字春舫號味癡祖澤舉人主講鍾山書院僑寓江甯父麟珍舉人病篤雲藻燒一指禱天乞以身代父死復甦呼雲藻曰我以署泰興學查賑失察削祿減壽神鑒爾孝然亦愚矣語畢復逝雲藻平居以布裹創不以示人有問者輒亂以他語

秦煥字文伯進士由戶部郎中簡桂林府煥以時文名蒞任後精心課士一時登高第者咸出門下臨桂縣清查糧賦蘇橋鎮民煽眾毀官局持兵扼險以抗大吏將督兵往剿煥急止之單騎勸諭民悅服散去調梧州夷久欲建堂傳教梧人出阻勢洶洶煥潛定計率萬人往迎聲炮助威夷氣懾逸去事得中止時法越構釁徵調絡繹煥捐廉僱

續纂山陽縣志 卷一
六
役絲毫不以累民游升按察使平反獄囚民以爲不寃先
後在粵十年兩遇大水駕舟拯溺全活無算旱潦不時步
禱晴雨皆立應冬祈雪亦如之粵故罕雪民咸驚異十六
年入覲中道傷足遂乞歸年七十四卒國史有傳從父光
第字次游潞安守鉞孫用嘉興籍登賢書少有才名爲禾
中七子之一工詩詞書得蘇米法王壯愍有齡撫浙愛其
才延入幕磨盾草檄倚馬萬言著行軍法戒寶山蔣敦復
序之妻楊貞淑字藥生性至孝母沒以毀卒善寫蘭著眉
影樓詩稿

潘亮彝字元欽亮熙字元溥德興子均貢生孝友守家法

閉戶教授讀書史數十年如一日亮熙有文名精易理尤
工詩年四十八卒遺孤數人家世清貧遺田數十畝亮彝
悉推予諸姪而任其積逋隱約自厲於人無干求世尤多
其義卒年六十九兄亮弼字元直諸生清修自尚恪稟庭
訓早卒子蘭嚮字伯英舉人言行謹飭文采斐然晚入漕
督幕司函牘語不及私府主多重其品

高延第字子上士魁子監生士魁宦蜀隨任讀書純篤簡
靜不習舉子業優幹濟博通載籍練習掌故歸里後閉門
却埽絕意進取郡守孫雲錦屏騶從過訪咨詢民生利病
學使黃體芳薦於朝賞翰林院待詔爲文原本心得不藉

藻績取達其所見而止漢唐之經訓伊洛之名理旁至兵農庶政表裏洞澈有本諸身措諸天下之意晚行益高品益粹記覽益淵博端居揆述者垂三十年所修山陽縣志淮安府志皆雅潔有義法

鮑桂生字小山道光己酉舉人祖宗瑾字蘊華內行淳篤事兄宗奎極恭謹坐立有常度父掄彥字邦士號鏡山諸生讀書日百餘行性好善倡挑澗河修湖港各堤及賑粥建橋埋齒勸辦盡力尤耆書建藏書樓購求圖籍凡數萬卷桂生才華卓越下筆千言壯歲銓清河道不一年丁艱歸值兵事倣擾出爲諸大帥上客以薦發貴州署按察使

改山西補雁平道旋卒子步垣字紫庭舉人擅清才

李蓮士字清渠董儒子性敦厚御下無疾言遽色親族中無依者贍之終其身母患痺蓮士率妻周維持調護竭盡心力母疾獲痊同時邵鏞字南金父病禱於神夢示覓郊外髑髏水先嘗而後進親亡泣見血釋服不入內幾三十年妹適張親素鍾愛代償逋負無怨言陳松齡字子彭父病劇夜禱隍廟往返近十里一步一叩脛裂血溢不自知待弟姪盡恩禮劉金方居河北工醫術母好施金方助之施友愛從弟窶人就醫輒贈良藥或轉袖金以遺之謝芝生字蘭坡山陽溝人諸生課徒養親雖貧能具甘旨弟偶

非禮善遇之久亦自化管糾里人董春臺李馨周祐捐田募款倡立保孀惜字接嬰施材埋骨放生諸善舉春臺字曉樓咸豐閒水災毀產施粥全活無算馨字鐵梅祐字德夫俱勇於爲善黃如昉字養吾太倉鎮人自幼以孝聞家有遺田十餘畝悉推於兄孀姊無依分館精周給之遇人勸爲善要出矢言署簿證諸神王德嘉崔堡人有孝行父母病俱嘗糞以卜瘡否餘見孝子祠條下

丁顯字西圃號韻漁年二歲父卽沒母氏陳撫之成立咸豐己未舉人同治五年清水潭決淮揚被災甚劇顯謂非復淮水故道不可繪圖貼說稟請江督曾文正具奏興辦垂成而文正薨事遂寢選睢甯訓導在睢十七年以老罷歸少承母教純篤端嚴講習經濟務求有用生平精於音韻之學著書滿家八十外猶闢集韻書塾以訓後進

張景煌何慶芬俱同治三年舉人景煌字星橋號菊圃少擅文譽品誼端飭訓徒有時名慶芬後易名綺字庾香壯歲與景煌俱資研田爲活鄉舉後銓華亭諭勤訓迪七十外卒官

丁瑞珍字玉五諸生性孝友幼偕兄席珍就外傳事兄如師尤盡悌道隅步隨行尺寸不踰席珍早世瑞珍視兄子如子居淮北鄉值歲歉海州安東流民過其村者量力施

與不少吝卒年七十八張振起字在新亦諸生喜辦善舉如施濟會絲澤堂度寒散粥瘞骨等力加整頓綜理精密無毫髮弊混毫而好學所鈔書皆蠅頭細字無一筆作草年八十六卒光緒閒兩人皆重讌泮林

殷自芳字沘南增貢少好讀書爲人誠樸重然諾孤介不諧於俗工古文橫溢有奇氣千言立就究心水利倡濬市河十字河兩岸農田成沃壤嘗從當事襄治黃運頗著成效成標次芻言又撰籌運事略六篇江督吳元炳進呈廷議躉之惜未究厥施

程鍾字袖峯諸生性謹愨言笑不苟課徒以潔身砥行貽親令名爲要尤服膺孟子庶民去之君子存之二語著幾希淺識以示警門下士多率其教事親先意承志不赴省試不外宿館懼去親也家奇貧審義利之辨極嚴卒年七十四里人私諡曰貞介先生同時霍裕孫字昆圃諸生僑居阜甯性至孝同治間清水潭決水下注田廬淹沒裕孫匍匐親墓前不去誓以身殉竟無恙水退乃歸瞽姊不字善事之終其身從子克誠幼失恃貧撫之成立徐沅字春帆廩生至性過人家酷貧事親隨時具甘旨親沒忌日素服掃墓哭泣失聲聞者驚愕黃振遠字小洲廩生家貧不能蓄童僕炊爨皆自爲之不欲勞老母生事葬祭皆與沅

同以積勞早卒年輩稍後有王鎮字撫平諸生事繼母朱極孝朱兩目生翳鎮跪禱北斗進鹽水以舌舐之百日後復明如初光緒間均以孝旌

顧雲臣字子青號持白孤寒力學隨舅氏范光璧授讀博通經史奉母館袁浦會撻寇竄擾被掠母溺水未絕雲臣亦陷賊潛逃奔救母急泅水拯出之人以爲孝旣聯捷入翰林迎母入京供職恥奔競閉戶却軌高陽李文正鴻藻掌院事特賞之庚午分校京兆稱得士旋出視學湖南先是淮人阮檢討學浩按試湘中以清嚴著聞雲臣一遵其法石門閻正衡者學性孤介年甫壯著書十數種雲臣激

賞將舉貢優行巡撫某靳弗與雲臣特疏薦蒙 俞旨以訓導用湘人士服其知人受代後以母老乞養歸

曹渠字子求亦字紫璆孫淵源家學性端謹文字嫺雅聲雋一黌同治甲子以優行貢太學家有甘白齋茅屋數椽朋儔翕集推楊慶之執牛耳而阮家駟家駿徐嘉閻士榮趙揚祖王端生沈家駒諸人左右之賭酒聯吟興會臈舉今所傳甘白齋倡酬集是也遠人如宗人應熊自新安鎮至阜甯裴蔭森自洲壘至寶應胡王源自南至皆下榻其中一時有藟菜孟嘗之目以是家日落無子欝欝不自得沒後以族孫嗣不數年亦沒遺稿盡佚矣慶之已見原

志家駟字鐵庵家駿字仲逸葵生曾孫揚祖字蓉孫延禔
孫均篤謹守家法端生字硯溪有幹材家駒字蝶菴貧而
好書几榻皆滿五人皆諸生士榮字仲桓若璩裔貢生善
書法試恒冠曹偶嘉自有傳

劉鼎臣字石甫舉人麻城令希向玄孫貧而嗜學雖客游
攻苦不輟工大小篆精鐵筆繪蘆雁尤有名得綽綽老人
遺意求者塞戶每南宮試雖老猶橐筆以赴年七十二卒
黃振均一名鈞宰字仲衡別號天河生父以暝貢生兄振
淮字月清後易名霏諸生有文譽客揚州髮逆破城罵賊
死振均博學能文偃蹇不遇以拔貢就奉賢訓中年喪偶

益侘傺不自聊撰金壺七墨書估多翻刊以行

董阿虎邑之南關人少失父事母以孝聞母偶盛怒阿虎
屏息受責念母屈居士室中輒自歎恨積貲十餘年構茅
舍數椽奉母居焉年長不娶或勸之曰日羸幾何多一人
則母少一餐然則非食虎直奪母食耳卒不娶鄰舍火虎
負母避他所獨跪戶外祈神祐風忽轉左右悉成灰燼而
董氏之廬獨存董正榮泰安鄉人事親盡孝父病割股和
藥以進病旋愈又周德發北鄉農家子憐母獨處不入內
冬夜抱母足卧母病痢躬徹便溺不假手妻子母沒葬祭
閭合古禮與南鄉駱鍼工佚其名塔兒頭鎮薙匠許得慶俱

以孝聞鄉人嘗舉以配二董云

魯蕢字仲實一同仲子諸生少穎異姿體凝重有力善飯好讀史記不耐習制藝三應鄉舉不中輒棄去知府章儀林議減清河賦蕢爲剖析肯綮因請主辦三年而成復請佐理清河安東水道役旣竣費無豪髮溢天性質直與人交極坦易一絕世故尤不喜見貴人漕督吳棠邀入幕以故人子待之有加禮未嘗請託一事曾文正國藩訪之再四以父執一往謁不再詣也咸豐十年皖寇之亂父方病奉之走安東草屨行纏步泥淖中日馳百餘里未嘗去左右同治元年寇驟至以下澤車輦父而奔中途阻水寇騎

至偶得空舟負父以登復下推舟入深水中獲免時母在清河每晝侍父昏暮佩刀徒步往省母比曉復疾走父所往返二百里踵血淋漓不自知也方播遷時無所得食恒懷乾糲餌父已嘗三日不食自是精氣耗滅世重之者率以品與才不知其爲孝子也卒年四十九詩文書畫皆具

家法

府志

郝雲漢字海門附貢居曹甸鎮性好施咸豐丙辰鹽阜鹵水上漲禾稼盡槁饑民塞路雲漢倡議賑粥妻沈撤簪珥助之活數千人同治壬戌創建涇河石耳洞經費不敷雲漢墊千餘金劉慶雲字佩生有文譽兩中南北副車居東

鄉周莊家不甚豐值歲飢斥倉麥千石賑之手自俵散里無餓者惜年未五十遽卒雲漢從孫嵩壽字荷舫附貢亦好施里人某有童養媳歲歉將鬻之女痛哭不去嵩壽出巨金周之事得止

丁禧生字禹襄珩孫附貢精明幹練見義勇爲事二親盡孝愛弟尤篤時以敬宗睦族爲務嘗隨族叔晏修族譜建宗祠置負郭常稔田數十畝以備祭掃遇鄉黨義舉偕友人周鵬舉潘慰祖皆諸生輩同心規畫不避勞怨初淮人應

試入場時深夜露立偶值風雨苦尤甚禧生倡議集貲東西構屋數十間設立燈牌公所俾有所棲止規模井然暴卒年四十九士人就公所側立祠祀之越二十年邑人呈請崇祀鄉賢鵬舉字霞青永壽孫性儉約一裘數十年不易嘗募修東嶽廟徐節孝祠丹堊一新籌辦積穀承極敝之後訂章程節糜費經營數年倉庾充溢光緒間重譙泮林卒年八十三慰祖原名金芝字漢泉善書多客游偶家居值大事侃侃不阿庚申之亂漕督聯英將委城去夜至南門索鍵守令無如何時春丁甫畢事慰祖倡率諸生阻不令出走聯英既返署飛檄調兵城賴以全邑人楊慶之作文以美之卒年七十三

陶森林字友松陝西試用知縣同治五年宰渭南值回捻

狷蹶城邑殘破森林設法募勇修城人民獲安又在鳳翔圍城中與賊相持十八月之久某夜五鼓賊以雲梯攀城而上森林親與戰傷及眉角血染襟袖後歷任岐山汧陽三水均有循聲

何其傑字俊卿錦子錦弟鑣號琴岩嘗佐兄籌畫一切力任勞怨工醫釀款施藥隱民德之其傑舉人內閣中書幼精敏從潘亮熙遊得聞義理之緒暇時講求經濟既罷官歸里每有義舉長官咸仰其計畫故城工文渠學宮學額積穀等靡不贊助成事晚歲益務著書其所撰述多已梓行弟其濬字智卿拔貢以謹厚見稱鄉里公益多規隨兄

並爲當事所重

徐嘉字賓華一字遜菴幼好讀書家貧幾廢學志不少輟弱冠以府試第一受知於郡守恒廉勸應京兆試京寓與桃源尹耕雲阜甯裴蔭森定交以氣節相砥礪復從同里高士魁遊研求經史見聞博洽同治庚午舉於鄉遵母訓不謁選家居授徒以經世致用爲急品行不軌於正者擯不納後生有一善稱之不容口來學者日益眾先後凡數百人母沒後選崑山教諭敷教正俗能盡其職崑人士仰如泰斗任滿卓異因年老解組歸猶日手一編考訂不勸生平著述等身顧亭林詩箋註尤博通德清俞樾稱爲亭

林功臣年八十卒譚蔭熙嘉姻也字季雍同治丁卯舉人
礪山訓導幼孤寒能讀父書天鈞太和性不忤物然寡交
游能古文在官亦有聲稱與蔭熙同時爲銅山訓導有程
席齡字與九號原穀勤於課士手錄書高可隱人善篆隸
精岐黃官銅十七年卒之日士林屑涕

于兆龍字子雲生四月而孤事母曾有至性少知自立不
喜作誑語晨夕攻苦雖絕食不乞貸旣爲諸生授徒誨必
詳且盡日母教我賓館飯已必歸視母抵暮亦然終身僅
一赴大比未畢事歸懼去母也母偶疾折旋頓跌如喪魂
魄時一嘗穢以卜瘡否最後年七十矣終夜炷香於庭哭

拜不肯起辨明率子詣嶽廟借壽會有天幸亦輒愈晚以

末疾卧牀匿被中泣懼不卒事母因增劇年八十卒

黃嗣榮字菊溪諸生世居版閘性渾厚與人無爭競事母
極孝母卒旣葬日走墓所伏哭盡哀然後歸治事恭於兄
慈於猶子鄉評推重

馬自強字健行北鄉三堡莊人諸生母時以節著北捻起
與兄自明設練局於其鄉壬戌正月捻寇至自強與戰不
勝潰而奔寇追及脅之降不屈自刎死自明死尤慘

劉鴻昌高堰東南左家圩董同治元年三月捻匪突至鴻
昌預爲戒備開濠築壘集眾防禦延桃源教師黃克成訓

練壯丁俱勇敢善戰既與賊遇二人身先士卒所向披靡
鏖戰兩晝夜奈賊眾我寡克成力與戰終不支與壯丁三
百餘人死焉鴻昌被執罵不絕口賊怒支解之又有吳煥
文秦家墩人左家圩迤東聞警率壯丁赴援戰不勝亦罹於難
張信甫字立坡武舉咸豐八年胞兄秉鈐病沒於皖信甫
往領柩時道路阻塞僱驢載柩別尋小徑越激水嶺路
窄不容並騎時有欵側信甫以肩背承之盛暑徒步或不
得食啖藜數顆以解飢渴抵寓往往暈絕卒護兄柩歸葬
背上紫癍故在也信甫工騎射介冑中稱大師後官淮安
城守營千總

李承緒字子績諸生性豪邁年四十投筆入左文襄西征
幕府爲張勤果前敵司支發轉徙於和闐哈密闢展烏魯
木齊者十年以勞得知縣發福建渡臺撫定生番辦理開
墾勤於其職人勸吸阿芙蓉以避疫承緒不肯染瘴遽卒
上官惜之奏卹如例

朱占科字炳青少孤貧從兄占鼇學占鼇字湘山歲貢善
書法能詩選贛榆訓丁艱未赴任占科癸未進士由戶部
郎中簡放至滇補順甯府順甯古慶甸地爲滇西極邊民
純朴占科設學堂平市政興紡織置清節堂嚴禁供應郡
素貧瘠多捐廉爲倡百廢具舉猛緬勘界一役宣恩定亂

蠻夷懾服莅任年餘引疾歸

陳壽彭字述齋吳兆熊字渭濱俱舉人壽彭內閣中書截取陝西同知補留壩廳盡心民事振興文教留壩向無科第光緒壬寅秋試領鄉薦者二人士氣感奮兆熊歷任通州昌平州三河大城各州縣有幹辦名任通州值大雨山洪暴發兆熊先備舟筏載難民入城全活無算辦善後賑撫亦勤而速得旨嘉獎後改河南權湯陰未之任卒

王炳奎崔家堡人高祖壇字杏亭兄子少孤撫之成立仍析產予之歲飢煮糜以賑又購義地掩埋飢民之踣於路者炳奎字鏡堂諸生父德驥沒時祖大復猶在堂以不得終養為憾炳奎遵遺訓先意承志祖八旬外病類中夜小溲手不能舉溺器炳奎卧外室聞聲奔赴奉之以進或易他人則祖不憚如是數載祖沒哀毀盡禮戚里公舉順孫炳奎不可卒時七十一

成飴原名俊生字節孫拔貢性至孝有瞶疾善書工畫梅品行高潔詩境亦淡逸絕塵幕游南北年未五十卒於滬淮人多工六法以山水著者康雍間謝國章

字西村 劉乃

字有容 乾隆間梁崇忠

字野 嘉道間潘源

字桃 周汝璠

字曉峯 鄭為章

字一 咸同間楊鼎

字彝 項文彥

字幼平 曹泰徵

字階平 以花卉著者丁一韶

字儀 許煊

字月 邵敏

字政 劉熙廷 字梅江四 人皆諸生 以鶴著者楊堪 字秀 谷 以驢著者孫

耕 字稼堂 另附傳 以雞著者魯長泰 字特山 諸生一 同父有學行 以指頭著者

翁仁 字靜齋 以寫生著者趙冕 字冠山 以蘆雁著者劉鼎臣 字石

甫 另傳 而以書著者周寅 見原志 後推潘慰祖 字漢泉 另附傳 陳墉 字伯

容廩 云興化志謂以書畫名者代不乏人 入方技則卑登

已見本傳不復書按此論最允惟原志渾舉人物無可附麗姑牽連系此容有闕佚人至爭長一藝末矣亦載之不

勝載也

原志人物補遺

宋

張大甯 一作大亨 字嘉父元豐八年登乙科建中除春秋博士

政和七年為司勳員外郎奏朝廷講讀之官謂之侍讀侍

講而諸王府亦有侍讀侍講官稱呼相紊名之不正孰大

於此詔改諸王府為直講贊讀少問春秋於蘇軾著春秋

通訓春秋五禮例宗學問該洽賦詩尤精僑居泗州張耒

作南山賦贈之歷官直秘閣 宋人說部多以嘉父為吳興人 春渚紀聞謂先墓在弁山

之陽蓋其原籍如張耒稱譙郡之類原志逸舉有大甯名而事跡入雜記未允

楊道字字念三又字克一父補之廉靜樂道不交世俗好

篆刻精秦漢欸識嘗為鄂州支使娶張未女兄年未六十卒道孚人物英秀有外家風工詩善畫墨竹為黃山谷晁无咎呂居仁所稱賞官歷陽州法掾

柯山集參紫微詩話

楊介字吉老亦張耒甥以醫鳴鄉人楊立之自廣府通判歸喉間生癰更數醫不效介以楊在南方多食鷓鴣而此鳥好食半夏是半夏毒也令啗薑片滿一斤而愈有富家子視正物皆斜以斜為正介飲之酒置輿中使舁者常傾側久方就榻酒醒霍然工詩與耒及黃庭堅相酬唱耒精醫理介從討論術益精故耒喜介寄藥詩云其方受仙聖其效未易論

夷堅志參柯山集

時有小兒醫王鑑以黑神丸治急

慢驚風極效致厚產神之未嘗傳人又有人以白茅花一大把水煎治衄血急證

見蘇沈良方

皆吉老之流

元

孫吳會字楚望淮安人居京口累官朝請郎常州守自號霽窗又號牧情翁詩文豪健為有元一代高手在淮人中與卞思義湯炳龍可稱齊足

丹徒志參宋詩紀事

明

陳肅初名大觀字文叔洪武四年以孝弟力田薦太祖喜其容止魁異為改今名特給詔赦除淮安府先是盜竊府藏捕弗獲守者皆繫獄肅至似有神啟使人如所指潛伺

果得之明年淮安有諸生錢受祿詣闕奏事帝問淮上何官能體朕心對曰惟一知府陳肅即召赴闕璽書褒獎擢四川按察使

福建通志二百之八

齊政洪武十一年以進士知孝義縣性勤敏晨起視事繁

劇立判暇則巡行勸農野無曠土民以富庶擢戶部郎中

仕至嘉興知府

汾州府志參淮安山陽志

劉麒字文禎正嘉間諸生居版閭績學工文終歲閉戶孜

孜不倦晚築高卧軒吟誦其間蒐探古今以資著述性慈

惠有裨桑梓之事知無不為嘗於家園後置義地一區貧

無葬所者多沾其德焉弟麟字文祥亦諸生能文好義與

兄同

淮關統志

後人於瑩側立偕隱高風巨碑以表之

朱兆南字粲然廩生性豪俠留心經世之學天啟間白蓮

賊倡亂山東漸及淮境當事聘之以守備加游擊銜募於

夾城東建營訓練號朱家營征白蓮賊有功後不樂仕進

辭官歸

康熙府志

朱維城字山陂崇禎中諸生喜為詩家有聽園南去淮可

六七十里周環林麓日與楊方黃申胡從中蕭夢蘭輩觴

詠其中方序其詩云山陂詩麗而刻情而幽遊戲而匪鄰

於佻流連而靡及於淫人以為知言方字大千順治甲午

舉人申字甫及福王時封鴻臚寺卿夢蘭字芳洲崇禎中

諸生從中原志有傳 山陽詩徵

國朝

李元讓字嶺泉康熙間知長葛縣精敏愷悌不事矯飾縣東北康卹保一區地洿下頻多苦潦元讓相其高下度其遠近開溝渠十一所積水盡洩皆成膏腴邑人立石紀功以病卒宦橐蕭然二子幾不能扶櫬歸葬士民悲悼立祠泊河側 許州志
鄒準康熙間以昌樂縣署安邱時大旱準下車虔禱即應善聽斷不事鞭扑民皆畏之喜為吟詠達於戶外有半載恒慚無善蹟一誠猶幸得甘霖之句逾數月旋任卒兩縣

護喪歸淮者數十人 安邱縣志

閻洞字鶴龕順治辛丑進士康熙十年任安溪縣俗習亂競武賦稅多逋洞至推誠榜諭浹於民隱未浹旬積逋悉完酌弊施法供者不勞近者不擾訟庭如僧舍風俗為之一新福建通志有傳

朱子宣字惠方一字菘山康熙中廩貢性俊爽工詩及駢體文由教習選封邱縣修學校課農桑清積案封邑地值昂貧者厝骸無所置漏澤園數十畝掩骼無算百姓建祠祭祀升北河同知卒官

徐麟吉字日馭一字北山諸生富經濟入江督董訥幕適

議江淮屯田麟吉舉不便於民者十事指陳警切董謂類
宣公奏議事遂中輟又嘗出奇計爲鄒公子謀阻靳輔開
車邏十字河詩沈雄雅健論者謂可與靳張抗手

劉祈年字再祈青陽訓理孫康熙初諸生與楊開沅善同
講象緯之學同時周煌孫字世承貢生精史學遺著極夥
惜無一存後惟郝其燮熟乙部書嘗助盛學師大士撰宋
書補表南北史補例大士旣罷官其燮千里往省歸舟遇
盜資裝被掠不之悔其燮字杏樓嘉慶間諸生

楊日炳字贊皇諸生受經於無錫顧棟高棟高撰春秋大
事表六十四卷日炳參校與無錫沈屺瞻鹽城夏瀛之力
爲多棟高謂將伯之助深爲銘感不敢忘也又有楊光曾
字大聲號菽也諸生才瑰之裔博學好古讀書過目成誦
吳玉搢換山陽志遺多與商榷遺聞軼事資其蒐集子壽
恒字小岌工詩文有名於時晚講易聞思寺戒壇園而聽
者百數十人

高峙字在瞻世居安東祖全俸清修士也年十三爲邑諸
生貢入京以母老不仕罷歸國變後削諸生籍峙少通敏
爲文操筆立就與同里任瑗以文章相切劘約五日一過
從家有小樓僅數笏地促鄰相對磬折談論惟恐日影之
向夕也未幾有藩陽粵西之游數年困而歸爲人高抗持

大節不治家人生產居母喪三年不入寢室既無所遇遂謝諸生挈妻子返城北故居與田夫野老會飲極暢醉則誦楚詞及陶淵明詩或枕隴畔而卧竟偃蹇終府志

施廷鈞字之颺號竹虛涇州知州有光子雍正乙卯副榜

官井研縣未久罷歸卒善書詩原本宋元家有虛翠書屋

山石玲瓏樹木蒼潤極吟賞之勝

山陽耆舊詩

張鎔字鑰臣鴻烈裔孫父大樽字芥舟博涉羣書以客授家安東介直不諧於俗少與方曙村善後二十載絕不相聞一日知其老病不遠百里往周之及卒為備棺衾以葬其篤舊如此鎔天資敏達誦書日百餘行終身不忘以邑

諸生屢試不第遂鍵戶讀父書凡天文地理經史有用之學皆博通心知其義與戴秋濤佟蘊輝交最篤三人者皆孤峭自喜性相似其貧亦略相當云嘗大風雪積數日不出里人薛仰休念鎔饑將死賣脫粟少許踏冰造其門見鎔方箕踞高歌聲出金石叩其竈則絕炊烟二日矣猶賦梅花詩三十首仰休歎詫久之置粟而別卒年七十二子崇弼字夢巖原志有傳其後有以清介著者任維垣字元卿瑗曾孫舉人家奇貧至種蔬自給不妄干人王柳字陶庵諸生貧困僵卧或饋以錢追詈返之其授徒稍失禮卽堅辭去忍飢嘯歌竟日不出卒以困阨死府志

朱文齡字霞菴號石溪廩貢少負奇才喫酒飲墨白眼觀人與朱書勗爲金石交同受詩於府教授史震林虛心請益雖塗抹過半不之愠卒之後震林爲序其詩以傳書勗字箕川舉人

文齡已見原志惜只著其名

吳虎炳字大文乾隆七年明通榜進士由州縣起家洊升府道歷仕桂鄂浙豫等省終廣西巡撫泗城思恩鎮安太平四府地方極邊州縣解犯遠者至一二千里請照雲南永昌等府例免其解省崇善恭城等縣及桂林所屬社穀多分貯佐雜衙門請改收州縣各倉以歸畫一湖北借項修署例以廉俸扣抵辦理弊混請查開遷延職名疏皆報

聞以積勞卒官國史有傳妻潘能詩有集已版行

田弟怡字仲吹乾隆辛未進士持身狷介登第後足跡不至公庭遇鄉里善舉當事敦請力任不辭出知清平縣訓士有法平反大獄一時頌其廉明在任八月丁艱出署未及歸里而卒

邱照字侶遠一字淡泉諸生聞衣子篤信宋五子書以倡明正學爲己任與任瑗往復商榷玩味語類或問專於持敬上著力有功於聖道不淺同時與瑗以理學相切磋者又有程揚震劉培元楊禾培元禾已見原志揚震字偉男諸生平谷令涑孫講明程朱之學自患柔懦不立志爲氣

所勝功爲習所妨瑗極佩其說教以次第用力之道照孫德齡字鶴徵諸生僑白田年輩稍後與劉台拱朱毓賢往來能紹家學又有邱兆軒字右賓璋孫亦諸生經術深邃通達治體多與瑗商析云

李秉恭字滋圃舉人性至孝友愛胞弟秉敬數十年如一日勇於赴義淮山肆雅錄兩序題名碑皆捐貲付刊子卜儒字希夏諸生繼事述志輸巨金重建田功祠祀劉猛將軍又捐田一頃零爲歲修費裴烈婦請旌入祠建坊表墓費以千計卜儒獨任之同時許超字卓吾貢生亦嘗以田施田功祠有遺產在阜甯爲族人盜售略盡超不之較人

稱其厚德其後以惠利著者有秦藩

汪奉恩字鐵庵三曹若曾字欸王子淇黃振壇三人皆皆

以推財濟物爲事釀錢置田爲濯熱會以卹災爲補憾會以施糶或倡爲振鬻冬日按戶計口給之至季春止相承

勿替府志秦周諸人上有陳柱按柱字東巖乾隆丁丑進士禮部郎中既爲京朝官不必以惠利爲事削之

竇雲門字叶軒以耆年賜助教性至孝操行純篤漕帥鄂竇延主家塾憐其貧思有以調之會道員某獲咎偵知帥意袖千金請援雲門怒斥之帥廉得其事益重之雲門敦善守約事死如生終身弗怠有古獨行風後有禹懷珠事與此絕相類懷珠字旭亭歲貢生性誠樸重禮義尙風節

先授經漕督毓奇署鐵保抵任聞其品復延課子讀衣冠古偉言動有法武弁某以事陳託有所贈懷珠峻拒不納年八十餘卒

寶禹兩事府志誤合爲一此從徐嘉味靜齋文集更正

周永壽字冠山業貿易貲頗饒性好施予除夕攜錢米偵貧戶親往散放歲以爲常歉歲賑濟無所吝坐是產日削或咎之曰行吾心之所安而已鄉里有周善人之稱丁長春設米肆遇歉歲貧者來糴陰增其數予之或納銀米中若遺忘者爲善不欲人知如此

邱兢字陳長號峴亭諸生人品涓潔工古文詞尤善詩清曠超逸直逼陶韋同時沃林字松亭亦諸生詩境與兢埒而貧病特甚早卒又有卞擴忠字恭棐號櫟亭爲鯨孫游庠後爲臨清閘官位不稱才耽吟咏嘗北出居庸關徧歷延慶保安土木諸堡境益道渾任瑗謂其剖抉揭高旨排寡盤硬語浸淫乎退之矣世以爲名言

劉景沂字曾如號野塘諸生家本華胄居菜市橋世所稱五世巍科者也少英異露頭角蔑視流輩詩文風華秀潔後家落遷隘巷荒風草屋門外荻蘆野水無人跡惟寒鴉去來鳴噪景沂囂然自得不廢嘯歌與吳進孫耕讀兄弟善進原志有傳耕字稼堂讀字倩螢皆諸生家貧好讀書均善詩畫性閒適不慕榮利雖妻子飢餓不顧

郝權字仲輿副貢婺源丞權東流邑王姓好馳馬有童子牽其馬尾王怒搯之以掌立殞權繩以法王免京師貴人緩頰權不報坐是罷官後從軍征緬甸敘功補尋甸州歷官至迤東道

王如椿字問庭號北堂諸生巡按燮曾孫性沖淡有雅致與人交不輕言言必平實可法家多藏書暨前賢墨蹟碑版字帖精心考定得者珍如拱璧

李壯采字懋時父堂南陵訓導有清操壯采副貢居喪哀毀寢食葬祭悉依禮經家貧以教授自給因材誘掖教學者以讀經爲職志一時從游者甚眾名望益高又吳毓珍

字月疋諸生敦行修學以宋五子書教人著六箴自警因以爲號又著秀才約語切中時病府志

楊登高字景山號鈍研廩生少從伯父哲夫讀哲夫字存愚工古文詞登高擣染家學有時譽與陳師濂汪廷珍善以氣節相砥礪肄業麗正書院院長李道南去繼者非其人登高偕陳汪同日出院互詳雜記

邱鼎字楚莊號雪亭文譽斐郁由歲貢教習揀兵馬司副指揮外擢平度州下車卽修明倫堂繼修州城更三門名四隅置炮臺七文昌祠舊在戟門內鼎移建於州治東北隅百廢具舉禁戢胥役簡靜不擾嘉慶壬戌蝗入境遺種

編野勸飭百姓於次春豫行搜抉準子易穀穫如山積行
賞鼓勵費四千餘緡歲連有秋以州志無義例文不覈實
思重修之會致仕不果去日猶捐俸三百金爲鏤版之需
莅任十二年歸卒於家子大鵬旌孝子另附傳

戴廷莘字耕野廣西巡撫吳虎炳其外大父也嘗侍母往
粵江行遇風舟幾覆廷莘牽母衣跪祈神佑遂免於厄沈
世南字小虞父沒時方八歲已能行古喪禮及長績學有
聲嘗泛舟洪湖中流風浪大作顏色不變未幾風息陳廷
欽字侍虞父館沐陽不慣食麥廷欽自淮負米奉父父歿
扶柩歸里渡六塘河值大風浪廷欽撫棺呼天風頓息二
人皆諸生人僉以爲孝感所致

汪桂字子成號粟庵歲貢幼敏慧日誦千言十一歲能爲
各體詩食餼後有許其饋白金五百欲爲桂援例貢太學
桂曰國家名器我能鬻之乎不可八應鄉舉不售閉戶讀
書淹通羣經遵漢儒家法研精易理元史掌故尤所闇悉
爲人古貌古心矜然如石落落寡交游少與李尙書宗昉
善尙書貴絕不與通其狷介如此年七十九卒遺著甚多
率未付梓

丁兆祺字春圃亦字介庭先世遼東人明永樂初以功封
鎮國公世襲指揮使隸淮安衛籍居山陽少力學博通掌

故由進士任正甯縣時教匪甫平緝餘黨甚嚴所在告訐
多株連力禁之竟事不妄逮一人正甯俗强悍輕死每進
邑長老導以仁讓使歸教赦其子弟久而漸革去任時獄
適空後調皋蘭前令沈以事忤臬使誣劾繫獄兆祺白於
布政使獄得緩沈旋卒妻某夙具印簿悉載饋遺諸上官
欸日歲月關通狀將執簿訟都門兆祺聞歎曰訟不解矣
遣人曉以利害取簿投諸火爲貸諸同官歸沈喪而贍其
妻子終身計典課最擢知安西州境產金奸民爭走開礦
官納其賂不問聚集劫掠爲民患兆祺驅其人出諸境患
遂息遷武昌府積案數千乃率僚屬聽之訊斷精敏一月

中結案無數塵牘爲空府屬州縣多瀕江民田倚隄爲固
恒捐資督所屬修治之擢江西鹽法道舊有匣規却之不
可乃儲爲緝私官費公私稱便時粵鹽闌入江右淮引滯
銷兆祺謂弊在粵私浸灌嚴禁之再遷江西按察使屢平
反大獄告歸杜門不出鄉里善舉躬爲倡率厚贍親族卒
年八十一

府志

屠春林孝子文林從弟字養初號薌洲性倜儻不羈善書
家藏碑版甚富詩魄力深厚由拔貢授績谿諭俸滿卓異
分四川終劍州知州沒於蜀叔璜字壽補貢生亦能詩
焦承秀字文甫號果齋恩貢幼以孝聞八歲生母張沒號

泣不止年十一父卒哀痛倍至事嫡母周益恭謹家貧授
徒必先以孝經謂培養性情乃可爲學母沒後白首孺慕
設几筵如生時其與承秀年輩相埒而有孝行者丁峻字
劍門父沒哀毀忌日輒奔墓哭泣母喜賜恤體其意更從
厚邱大鵬字扶南行與峻同嘗爲弟償積逋汪廷珍以孝
友可風稱之二人皆諸生王彬字古多副貢家貧以客授
自給胸陽某以五百金聘主家塾不就不忍一日去其親
也牟桂榮監生侍母疾曲盡勞勩不假婢媪父老多方以
娛之撫兄女孤甥如己出

段韶成字善亭諸生汶上某延課其子訓誨勤懇某德之
贈以婢不納強置諸室秉燭終宵坐次晨卽託故辭歸邑
人楊慶之作傳比之柳下惠魯男子

徐登鼇字墨南號海峯舉人道光間以授徒稱大師者推
登鼇居首風範方嚴門弟子多魁春秋榜性極孝母往戚
家登鼇日必往省然後赴塾寒暑無間選江浦教諭大吏
檄查賑登鼇至災戶家必就視燧竈驗其舉火與否無濫
無漏以贖疾歸主講阜甯表海書院士林敬畏年七十六
卒

丁智號密甫晏仲兄廩貢少天才俊偉從阮鍾瑗受古文
義法長學益邃晚究心六書辨析疑似獨具懸解性嚴正

續纂山陽縣志 卷一
接諸生必以禮諄諄訓誨至老不倦子壽徵原志有傳
盧生原名蘧字一枕詩法少陵與邱炯王春芳王大雯朱
友三相唱和甲申湖水決奏上諱決爲齧生作古風直書
其事上欽使諱者獲譴人以爲癡因自號大癡益落拓不
求合貧困而死炯字月樓廩生才調明敏好詩爲人肝膽
有意氣春芳字南卿廩貢性至孝詩極質實好獎掖後進
大雯春芳從兄字霞綺弱冠補弟子員才思橫溢爲阮明
經鍾瑗所賞丹徒王豫選其詩入江蘇詩徵惜早夭友三
見流寓

流寓

汪椿字春園清河人居淮之河下幼強記十行並下貢成
均屢試輒罷於學無所不窺尤明積算推步之術中歲以
後究心太一王遁研精覃思鍵戶二十餘年著周秦二式
疏證數十卷會河帥黎世序篤好此學深敬禮之嘉慶二
十五年河大漲椿日夜觀水星之次非此地也其在豫省
乎未幾果驗及世序卒椿痛哭盡燬所著謂世無知者今
所存者三式序目一帙而已與邑人丁晏論學絕相得延
主家塾椿所撰著多與晏相商榷稿藏於家卒年六十六
程禹山字虞卿天長人嘉慶丁卯舉人權使李如枚創文
津書院延主講席在淮廿餘年提倡風雅詩以杜陵爲宗

續纂山陽縣志

卷一

人物

續纂山陽縣志

卷一

人物

三

各體皆造雄渾詩餘亦工

毛夢蘭字秋伯甘泉人嘉慶己巳進士湘潭知縣以事謫
戍軍臺既赦歸當道延主奎文書院遂僑於淮熱心愛士
評隲課藝揮灑不勑善草書沒後門弟子於院中立主祀

以上二人非官而師無可
位置以寓淮久姑附於此

吳昆田號稼軒清河舉人官內閣中書改刑部員外郎性
敦厚不妄言笑讀書爲文好深沈之思不斤斤於文詞章
句比壯從同郡潘德輿游同試禮部出處必借盡交當時
賢豪長者試畢卽歸省清江浦陷於捻昆田挈家走閭關
入郡城依高延第以居亂定漕督吳棠延督辦團練力任

防守賊不得逞家本素封至昆田益慷慨尙義視財帛如
芥嘗以千金歸其師喪清河移懷兩鄉田沒於湖攤其賦
於金吳鄉歲萬緡民重困昆田與章太守儀林議請豁免
需費數千金昆田鬻產應之素誠篤有大度不疑人欺我
有負之者一不置胸臆識議堅卓能斷大事不爲浮論所
撓於家事多不省自知向學卽有日課手自甄錄熟精周
易三禮史漢舟車南北每以自隨中更喪亂老而旅寓常
鬱鬱不自得聞四方災荒盜賊憂憤形於言色所爲詩文
多關當世之故年七十六卒

甘煦字耆王江甯副貢工詩古文詞咸豐末避粵寇之亂

挈家來淮上元王肇元本館煦家課其從弟元煥至是仍
相依焉肇元字善之道光丙午舉人性至孝持身耿介熟
於經訓元煥字劍侯漸其教博洽成雅材後舉光緒丙子
科鄉試張寶德字容園亦上元諸生成豐元年舉孝廉方
正篤耆金石文字在淮與王琛高延第友善省垣復始歸
煦著貞冬詩錄肇元著槐堂文稿寶德著鐵硯齋三刻時
避地來淮者又有顧遜之字子與江甯歲貢枕蓆經史所
爲制舉文雄視一世鄉里推爲祭酒羅笏字心魚上元廩
貢篤於內行留心經世學客淮時著清淮團練籌餉二議
謂團丁未練不足用擬上當道不果

高均儒字伯平秀水廩生善治經精於小學吳勤惠督漕
刊刻書籍均儒爲主校勘清河吳昆田其姻家也絕相重
故三至淮寓二帝祠之蒹葭館喜飲人以酒而不喜飲人
之酒昆田外丁晏魯一同潘亮熙王琛高延第皆與往還
詩酒名士則絕不與通陳總兵國瑞雅敬君以二百金爲
壽却之暗置於寢衣中而去及知總兵已出征無所歸遂
施助淮郡考棚嗣復以三百金介丁晏持贈均儒大怒曰
均儒且莫人耳豈有死人而受人金者哉面赤氣上逆晏
怏怏去曾文正督兩江以不得一見爲恨旋歸主杭州東
城講舍講席卒年五十八學者私謚曰孝靖先生

王琛字獻南號玉杭清河拔貢居山陽工分隸好爲駢儷
之文耽金石精鑒別手輯淮安藝文志若干卷性謙謹無
競於世人稱馬糞長者從子範字錫之歲貢亦居淮樂善
不倦里中如施樁掩骼賑饑度寒濯熱給藥諸義舉靡不
助以貲見殘疾凍餒若大患在身必卽安而後已少從琛
授經其制行誠竺抑畏人謂得琛之一體年六十五卒卒
之日知與不知皆爲隕涕

尹耕雲號杏農桃源進士居山陽幼穎異侍大母疾刲股
和藥病立瘥官禮部郎中咸豐八年授監察御史時方多
事條陳得失請授曾國藩爲欽差大臣援湖北請以袁甲

三撫皖請籌淮河以遏賊鋒請飭應援圖皖楚師請收回
起用訥爾經額成命以嚴賞罰請改河營爲操防劾滇督
吳振棫專意主撫劾河督庚長請罷斥先後疏入皆施行
而於直沽夷務剴切指陳章凡八九上最後以設立夷館
進疏力爭及會議復抗辨繼以痛哭戊午科場事發以任
內監試失察去任副都御史毛昶熙奏幫辦河南軍務入
治軍書出援枹鼓滅金樓寨敎匪慝署道缺終河陝汝道
咨免西征責賠米麥濬惠濟河積水定所屬差徭章程大
早上救荒七事政聲洋溢惜未竟其用

汪黎獻字舜臣清河舉人椿曾孫居淮敦品礪學吳勤惠

續纂山陽縣志 卷一
官徐州延課子會升署漕督隨歸淮又從之閩督任授經
外不與外事椿著述夥有顧氏日知錄補注三十二卷稿
草盈尺黎獻嘗糾潘亮熙高延第分寫清本錄未及竟而
沒年五十餘彌留時以爲大戚子際雲字時伯諸生少與
朱友三稱詩弱冠已有集寸許楊慶之序之友三字覺崖
亦清河人避亂居郡城工詩畫負才多忤吳勤惠重其名
招之不往饋以金受而不謝勤惠愈益重之

裴蔭森字樾岑阜甯人寓淮久遂定居焉少劬書卽志聖
賢有用之學咸豐乙卯策蹇入都應試不售困甚日僅啖
一炊餅桃源尹侍御耕雲延課其子窺蔭森堅忍耐苦異
日可屬大事賓禮之戊午舉京兆明年科場案定讞正主
考柏棧爲肅慎所陷羅大辟門生故吏無敢至柴市者蔭
森獨白衣冠送之庚申捷禮闈用工部主事入署冠服不
完吏役非笑不顧也旋援例爲道員分湖南久之補辰沅
永靖道旨雪單騎入署吏不及送每行部一馬兩役周巡
數千里有所訴就郵亭立判苗民感悅擢福建按察使甲
申法艦犯閩口民方洵懼英領事新察里入謁制府民以
爲法諜也萬眾闖譟燬督署門欲甘心焉蔭森倉卒至立
馬人叢數語卽解散是年冬命署船政大臣商諸左文襄
合疏言歐洲大局已成連橫之勢中國除製船造礮教將

練兵別無自強之道莅職六年成橫海鏡清寰泰快船三
廣甲廣乙廣丙廣丁兵輪四平遠雙機鋼甲一設魚雷廠
一護廠礮臺三創造石底船塢一披瀝肝胆擔當艱鉅奈
經費短絀事多掣肘積成痼疾時已補光祿卿連疏乞休
歸淮養疾蔭森壯經盤錯晚躋通顯偉軀修髯凝重有威
無事則手一編不問家人生產生平不侈言著述而篤學
遠識講求濂洛宗傳尤持定識定力四字謂一生得力在
此志業以孫夏峰顧亭林湯文正于清端爲宗於遺著往
往倍誦如流抗節高歌旁若無人及返觀默勘或竟日危
坐不作一語偶聆時變則又撫几扼腕靈歎頽息非雅故
者不能知也年七十二卒

毛昌本字森圃號花隱甘泉諸生久僑於淮績學者古習
名法家言爲諸侯上客者垂五十年歷游皖贛湘鄂蜀越
汴晉諸行省足跡半天下性耿介絕請謁必敦聘始就稍
不合卽謝去遇戚族有恩多待以舉火者以故困於貧詩
文精深簡練善書尤工篆隸有所撰述不以示人年六十
餘卒

王錫祺字壽萱清河諸生世居山陽性開敏喜度曲尤淫
於書工詩古文詞試輒冠其曹嘗編輯山經地志爲輿地
叢鈔都百十萬言又采前人未刊遺著爲小方壺齋叢書

自鑄鉛板印行之一時紙貴家故素封有園林之勝散人漫士履綦合沓其尤稔者鐵嶺黃海長盤屋路岬甘泉毛昌本吳縣蔣黼輩皆從之游讌譚詩說劍無虛日垂簾合坐圖籍縱橫丹黃不去手見者比之玉山草堂以是傾其資至客游落魄以死

蔣清翊字敬臣吳縣諸生府教授錫寶次子學識淹雅好研求金石之學藏古泉刀極富多異品初唐四傑集皆有注子安集先版行最有名世所稱蔣註王勃集是也官武義縣樂淮之風土買地構精舍曰抱布新築遂定居焉並以所藏元魏張始孫造象及雙唐碑置其中戲謂友人曰

吾其爲遷淮始祖矣年五十二以濕疾卒子黼字伯斧亦諸生有雋才

路岬字山夫蓋屋監生嘗一宰建德縣棄官歸隱淮上關小園城北近葦間書屋舊址地僅十餘畝水木明瑟魚鳥親人岬嫻洩長學善擘窠書藏古圖畫碑版最夥所交皆勝流高譚大睨尊酒陶然過歐觞者輒作甫里剡溪想今岬久下世園亦鞠爲茂草矣

楊士驥字蓮府泗州人祖殿邦官漕督因留不歸父鴻弼八子登甲乙科者五士驥次居四由翰林仕至直隸總督諡文敬自以居淮久不異土著遇淮人恩禮加厚官東撫

時淮苦旱電士驤乞水土驤卽飭屬啟開放水敷栽插秋
大稔每歲歉士驤捐巨金以賑同時張汝梅字漢仙密縣
人官至山東巡撫久居於淮同治初勅建袁端敏公祠捐
銀三百兩備歲修光緒中復輸張家圩湖灘地百頃佐淮
郡興學費慷慨好施與士驤比美

黃海長字蕙伯漢軍文襄公五世孫從兄海安久寓淮海
安字筱艾官宿北同知能詩海長記問賅博工詩詞官富
安大使捐俸建棠陰書院以經史誘掖後進雖在職未久
而有去後思藏書極富著有題跋記藏於家

原志流寓補遺

明

傅山號青主太原廩生嘗往來於淮寓龍興寺與邑人張
應錫傾蓋成知己山詩名徧天下淮人求詩字門限幾斷

又數爲淮民脫冤人德之甲午以博學鴻詞

原作宏
文今改薦不

應朝廷嘉其節免入試歸游淮安留連經月每歲一至

康熙

府志

閻爾梅字古古外號白奪山人世居沛崇禎三年舉人任
俠有智畧闖黨楊維垣戍淮冀復用畫圖見意爾梅適在
淮痛斥之土寇起爾梅練鄉兵禦之寇怒焚其居爾梅移

家淮上甲申京師破北向慟哭以書徧干諸當道不能用
因赴淮就劉澤清田仰策戰守則已遁矣欲由廟灣趨海
上不果有訐之者逮入獄主者寬之爾梅變姓名逃去以
長子吳匿淮人吳嵩三家吳與爾梅有連僅而得脫會日
久禁令弛遂浪游南北謁天壽山陵善詩高華迺警律體
尤工與淮人多相善年老歸卒於家年七十七著有白奪
山人詩文集論者舉萬壽祺相偶謂爲徐州二遺民云
胡介字彥遠號旅堂錢唐人資穎異所講求務爲有用之
學詩文亦澹折雋永貧不自得乃謝諸生渡江訪萬壽祺
於淮壽祺大喜爲集四方名士邱象隨范良輩十餘人流
連觴詠風流標舉旋歸浙病卒象隨千里臨其喪並刊其
遺集良字眉生歙人嘗以五日招同人於淮之珠湖舟中
舉社事曰舟社唱子和汝歌管聲聞數里岸上觀者如堵
牆毛奇齡作詩艷稱之又浙人潘問奇字雪帆亦僑淮與
石華峙岱峙劉琯阮晉爲忘形交詩多悽怨明十三陵尤
哀蓋遺民也著拜鵲堂集後客死揚州揚守傅澤洪葬之
平山堂側

國朝

毛奇齡字大可蕭山人負奇才康熙初避難來淮山陽令
朱禹錫歛之變姓名曰王彥字士方以文采重衣冠間與

劉漢中交尤篤中秋夜張吏部新標大會名士於曲江樓
士方賦明河篇及旦傳寫殆徧怨家跡之漢中藏於家居
複壁中旋爲汗漫游歷十餘年禍解丙辰膺鴻博召試入
翰林始終與淮人洽其寄邱侍講書云江東毛生非生長
在淮者一言淮人輒如故鄉宗黨父兄子弟之不可已又
言去家別親廟仰星而行牽衣者呱呱可謂慘矣猶不若
去淮之苦其感念如此

原志毛事入雜記亦不詳今據信今錄補傳

馮景字山公錢唐人經學深邃工古文詞而負氣嶽嶽不
與流俗合嘗游淮授經邱氏居桐園中與淮人士多倡和
往來無閒閤若璩著古文尙書疏證景亦撰淮南子洪保

以和之又嘗駁正其四書釋地十事若璩大歎服康熙二
十四年秋真武廟堤決山鹽高寶諸州縣田廬漂沒大雨
浹月三城水溢淮民困於昏墊由澗河淤塞水無所洩時
漕督徐旭齡素重景因進開澗河議創爲七便五利之說

凡千八百餘言

全文載藝文志

據邑志康熙三十二年漕督興永

朝下令大挑然引其端者景也江撫湯文正公內召景復
投書陳淮安水患請修堤防禁吏之不飭者以甦民困文
正得書太息曰山公固是不朽人然老無所遇與顧諟善
著幸草十二卷謚爲之序

本文獻徵存錄

程晉芳號魚門先名志鑰又名廷鑽字鼐園歙人業鹺於

淮乾隆壬午召試用中書辛卯成進士授編修幼嗜學善屬文藏書五萬卷手披口誦晝夜不輟喜與老宿游四方名流至淮卽主其家好周人之急遇文學人延譽不容口家事了不問逋負山積晚至陝依畢制軍沅忽病沒京師爲之語曰自魚門先生死士無走處其聲華之盛如此

忠義

邵承鏡 邵承則 邵承綸 邵承箴 程玉孚及子某

江如柏 徐睿思 兩子一女 徐震 以上皆同治元年遇賊投水死

左生年 劉松亭 劉宏景 劉宏志 左邵年 左正

皇 劉月亭 劉洪賓 左正成 左正雲 左正甲

左林舟 左正賓 左三須 左正仁 左正輔 左正

龍 李長富 左正雅 左喜年 汪長祿 以上皆左家圩人同治元年

年禦捻陣亡 王廷梧 從九品山陽溝人同治元年在鄉團練禦賊殉難祀山陽寶應兩邑昭忠祠

童振華 戴家灣河西人營守備同治間在漁溝拒捻陣亡

盧士行 廩生同治間從戎積功保以安徽道員用沒於陝西行營卹贈太僕寺卿祀陝西昭忠祠

